



FA'AMATALAGA O FUAFUAGA MO TUPE A LE MALO

**TALA O LE TUPE
2026/2027**

FA'ASOLOGA O MATAUPU

1.	Fa'atomuaga	3
	Aiaiga mo le Saunia o Lipoti	3
2.	Sini Autū mo le Tamāo'āiga	4
	Faiga Fa'avae mo le Tala o le Tupe a le Mālō	4
3.	Iloiloga o le Tulaga i le Tamāo'āiga ma Tupe a le Mālō: TF2021/22-TF2024/25	5
	Tulaga i le Tamāo'āiga	5
	Tulaga Tau Tupe a le Mālō.....	7
	Faiga Fa'avae Tau Tupe	13
4.	Va'aiga Taula'i i le Tamāo'āiga ma Tulaga Tau Tupe.....	16
	Tulaga i le Tamāo'āiga	16
	Fa'amatalaga o Tupe a le Mālō mo Tausaga o Lumana'i.....	22
5.	Lu'itau i le Tala o le Tupe a le Mālō	33
	Lu'itau i le Tamāo'āiga	33
	Iloiloga i Tala o le Tupe a le Mālō: Tulaga i Va'aiga Taula'i.....	35
	Tulaga o Nonōgātupe a Fa'alapotopotoga a le Mālō	37
	Lamatiaga i Suiga o le Tau ma Mala Fa'alēnatura	38
	O Isi Lamatiaga ua Alia'e Mai	39
6.	Polokalame tau Atina'e a le Mālō	40
	Atina'e Fa'aauau ma Atina'e Fuafuaina a le Mālō.....	40

1. Fa'atomuaga

Aiaiga mo le Saunia o Lipoti

O lo'o fa'atūlāfonoina i le Tūlāfono mo le Pūleaina o Tupe a le Mālō 2001, ta'iala mo le pūlea lelei o tupe fa'aalu a le Mālō, fa'apea fo'i ma fa'amatalaga e mo'omia ona tu'uina i le folasaga o le tala fa'atatau o le tupe.

E tusa ai ma le Vaega 19 o le Tūlāfono, e tatau ona tu'uina atu i le Ofisa a le Fono Faitūlāfono le Fa'amatalaga o Fuafuaga mo Tupe, e fai ma vaega o fa'amaumauga o tala o le tupe.

O le Fa'amatalaga o Fuafuaga mo Tupe a le Mālō e iloilo ai le ō gatasi o le tala o le tupe ma le "Ta'iala mo le Lumana'i Manuia o Samoa" (TLMS); e fa'amatala ai mafua'aga o ni eseese i le tulaga o le tamāo'āiga ma tulaga tau tupe o le Mālō ma fuafuaga i totonu o le TLMS; o le va'aiga taula'i i le tamāo'āiga ma fa'amatalaga tau tupe, o lo'o atagia ai fa'agasologa ina ia ausia taunu'uga o le TLMS; ma tulaga o lo'o fa'avae ai nei va'aiga taula'i. O nei taunu'uga lautele o le a ausia i se taumafaiga tu'ufa'atasi a le Mālō, vaega tuma'oti, nu'u ma alalafaga, fa'apea a tatou pa'aga mo atina'e e ala i le fa'atinoina o polokalame tau atina'e.

Ta'iala mo le Lumana'i Manuia o Samoa (TLMS)

O le sini autu o le Ta'iala mo le Lumana'i Manuia o Samoa lea e fa'atinoina mo le lima tausaga fa'aletupe (2026/27 - 2030/31), ia "Fa'amausali le atina'ega o nu'u ma alalafaga, faatautaia atina'e mautu, ma unaia pulega lelei, o avanoa tutusa, ma le galulue faatasi faa-paaga".

O lo'o tulimata'i Ta'iala Autū e lima e 'ausia ai le va'aiga taula'i o le "O se Samoa e maua'a lona fa'avae i le Atua ma lana aganu'u, e mafai ona ausia se tūlaga mausalī, saogalēmū ma manuia mo ona tagata uma" E aofia ai:

1. Atina'ega o le Soifuaga Lautele
2. Tamāo'āiga Gafataulimaina
3. Fa'atuatuaina o Pulega lelei, Fa'amamaluina o Tulafono, ma le Saogalēmū
4. O se Si'osi'omaga Malupuipua mai A'afiaga o le Tau
5. Lelei Fa'atulaga Galuega Tetele ma Gafataulimaina Atina'e Tetele a le Mālō

2. Sini Autū mo le Tamāo'āiga

Faiga Fa'avae mo le Tala o le Tupe a le Mālō

O le toe fa'atupula'ia ma le mautū o le tamāo'āiga o Samoa i le tolu tausaga fa'aletupe ua mavae, o lo'o limata'ita'ia ai faiga fa'avae mo le tala o le tupe a le Mālō. Ae peita'i, o lo'o tūmau pea nisi o lu'itau e aofia ai le tūlaga ma'ale'ale o Samoa i a'afiaga mai fafo, aemaise le tūlaga o lo'o iai nei fe'ese'esea'iga fa'avāomālo, e ono a'afia ai le va'aiga mamao mo le atina'e o le tamāo'āiga o le atunu'u. O lea, o le a taula'i ai fuafuaga i le fa'atinoga lelei o vaega ua ave iai le fa'amuumua a le Mālō, e ala i le fa'atāuaina pea o le gafataulimaina o tūlaga tau tupe a'o fa'agasolo taumafaiga mo le ausia o taunu'uga tau soifuaga lautele, o le si'itia o tomai ma agava'a, ma atina'e a le Mālō e fa'atupula'ia ai le tamāo'āiga i le isi lima tausaga o i luma.

O fa'ailoilo o lo'o fa'ata'atitia atu i lalo o le a tulimata'ia ai le fa'atinoga o le tala o le tupe, ma limata'ita'ia ai faiga fa'avae mo le pūlea lelei o tupe:

- i. Fa'asiliga o Tupe Fa'aalu i Tupe Maua ia i totonu o le 3.5% o le Tamāo'āiga;
- ii. Vaega o Tupe Maua i le Aofa'iga o Tupe Fa'aalu mo Galuega Fa'atino ia lē i lalo ifo o le 70%;
- iii. Totogi o Tagata Faigaluega¹ ia fa'atūmauina i totonu o le 35% o le Aofa'iga o Tupe Fa'aalu mo Galuega Fa'atino;
- iv. Aofa'iga o Tupe Fa'aalu mo Galuega Fa'atino ia fa'atūmauina i totonu o le 40% o le Tamāo'āiga;
- v. Tupe Totogi mo Nonogatupe ia i totonu o le 20% o Tupe Maua (e lē aofia ai Tupe Fa'ameaalofa); ma le
- vi. Aofa'iga o Nonogatupe a le Mālō ia i totonu o le 50% o le Tamāo'āiga.


¹ E na'o Matagaluega o le Mālō

3. Iloiloga o le Tulaga i le Tamāo'āiga ma Tupe a le Mālō: TF2022/23-TF2024/25

Tulaga i le Tamāo'āiga

Sa fa'amauina le fa'atupulaia o le tamāo'āiga o Samoa e tusa ma le 15.2 pasene i le TF2022/23, ina ua mae'a ona toe tatala tuāoi fa'avaomālō ia Aokuso 2022. O lea si'itaga maualuga na mulimuli mai i le 2.3 pasene i le TF2021/22, ma ua atagia ai le toe fo'i o galuega ma gaiōiga tau tamāo'āiga i lona tulaga masani, ina ua mae'a a'afiaga o le fa'ama'i o le KOVITI-19.

Siata 3.1: Tulaga i le Tamāo'āiga



Fa'amatalaga: Ofisa o Fuainumera Fa'amauina

O le toe tatalaina o femalaga'iga fa'avaomālō, na fesoasoani tele i le toe fa'aleleia o alāmanuia o tagata tafafao maimoa, ma le si'itia o tupe fa'aalu a aiga, tupe fa'aalu a tagata asiasi mai, ma tupe fa'afaigaluega na fa'atupula'ia ai le tamāo'āiga. E lē gata i lea, o galuega tetele mo atina'e, fa'apea ai ma fa'amoemoega fa'aleatunu'u e pei o le fa'amanatuina o le 60 tausaga o le Tūto'atasi o Samoa ma fonotaga a Ekalesia, na fesoasoani lea i le si'itia o gaiōiga tau tamāo'āiga. O nisi o vaega o le tamāo'āiga na fa'amanuiaina mai lenei fa'aleleiga, e aofia ai Faletalimālō ma Fale'aiga, Auaunaga Fa'apisinisi, Fela'ua'iga, Faigafaiva, Auaunaga Ta'ito'atasi ma Isi, fa'apea ai ma Fefa'ataua'iga.

Na si'itia le tamāo'āiga i le 4.8 pasene i le TF2023/24, ma ua atagia ai le toe fo'i o le tamāo'āiga i lona tulaga masani mai si'itaga malosia i le tausaga fa'alelupe ua tuana'i. Na mafua lenei tulaga ona o le fa'aleleia o atina'e tetele, tapenaga mo le Fonotaga a Fa'aalu'ulūga o Mālō o le Taupulega, fa'apea ai ma le fa'aauauina o le fa'atinoina o le Polokalame o Atina'e mo Itumālō (DDP). Sa fesoasoani fo'i gaiōiga tau ta'alogā ma fa'amoemoega fa'alenu'u i le fa'atupulaia o le tamāo'āiga, e aofia ai taulaga a Ekalesia ma le fa'amanatuina o aso fa'apitoa a le atunu'u. O nei fa'amoemoega, sa fai ma sao i le si'itia o le tamāo'āiga i vaega e aofia ai Faletalimalo ma Faleaiga, Felauaiga, Eletise ma Suavai, ma Faigafaiva.

I le TF2024/25, na fa'aauau pea le fa'atupulaia malie o le tamāo'āiga i le tusa lea ma le 4.2 pasene. O lenei si'itaga, e afua mai i le taligāmālō a Samoa i le Fonotaga a Fa'aalu'ulūga o Mālō o le Taupulega, fa'atasi ai ma nisi fa'amoemoega tetele e pei o le fa'amanatuina fa'aletausaga o le Teuila, sa'iliga o se Tausala o Samoa, fonotaga a Ekalesia, ma fa'afiafiaga. E lē gata i lea, a'o le fa'aleleia o atina'e lautele ma auaunaga

tau faletalimalo, na fesoasoani fo’i i le fa’aauauina o gaoiga tau tamaoa’iga. E ui ina iai ni a’afiaga lē tumau, ona o le motusia ai ma le tau fa’asoasoina o le eletise ia Fepuari 2025, ae sa fa’atūmauina pea le fa’atupula’ia o le tamaoa’iga, ona o le si’itia o tupe fa’aalu ma gaoiga i nisi o vaega maoti e pei o Fefa’ataua’iga, Auaunaga Tau Tupe, Felaua’iga, Galuega Tetele, ma Auaunaga Lautele a le Mālō.

Pusa 3.1: Fa’amaumauga o Fuainumera o le Tamāo’āiga TF2022/23 i le TF2024/25

	TF2022/23	TF2023/24	TF2024/25
Faiga Fa’avae mo le pūlea lelei o tupe:			
Fa’asiliga o Tupe Fa’aalu i Tupe Maua ia i totonu o le 3.5% o le Tamāo’āiga	2.7	9.3	4.7
Vaega o Tupe Maua i le Aofa’iga o Tupe Fa’aalu mo Galuega Fa’atino ia lē i lalo ifo o le 70%	92.4	107.4	103.1
Totogi o Tagata Faigaluega ia fa’atūmauina i totonu o le 35% o le Aofa’iga o Tupe Fa’aalu mo Galuega Fa’atino	39.5	37.1	37.8
Aofa’iga o Tupe Fa’aalu mo Galuega Fa’atino ia fa’atūmauina i totonu o le 40% o le Tamāo’āiga	29.2	26.8	25.3
Tupe Totogi mo Nonogatupe ia i totonu o le 20% o Tupe Maua (e lē aofia ai Tupe Fa’ameaalofa)	14.7	12.9	10.1
Aofa’iga o Nonogatupe a le Mālō ia i totonu o le 50% o le Tamāo’āiga.	31.8	25.2	21.2
Tulaga i le Tamāo’āiga			
Tamāo’āiga (miliona talā)	2853.12	3240.47	3584.93
Tamāo’āiga Fa’atulagaina (2013 tau fa’atulagaina) (miliona talā)	2374.36	2488.12	2592.64
% Fa’atupula’ia	15.2	4.8	4.2
Paleni o le Tala o le Tupe			
Paleni o le Tala o le Tupe (miliona talā)	77.07	300.99	167.73
Tupe Maua			
Aofa’iga o Tupe Maua (miliona talā)	898.85	1154.57	1114.11
Tupe Maua i Lafoga (miliona talā)	673.93	784.87	836.52
Tupe Maua Fa’ameaalofa (miliona talā)	141.28	269.91	186.58
Isi Tupe Maua (miliona talā)	83.63	99.80	91.01
Tupe Maua (% o le Tamāo’āiga)	31.5	35.6	31.1
Tupe Maua i Lafoga (% o le Tamāo’āiga)	23.6	24.2	23.3
Tupe Maua i Meaalofa (% o le Tamāo’āiga)	5.0	8.3	5.2
Isi Tupe Maua (% o le Tamāo’āiga)	2.9	3.1	2.5
Aofa’iga o Tupe Fa’aalu			
Aofa’iga o Tupe Fa’aalu (miliona talā)	821.78	853.59	946.38
Tupe Fa’aalu mo Galuega Fai (miliona talā)	705.04	798.47	833.32
Fa’amaumauga o Fefa’ataua’iga o Aseta (miliona talā)	116.73	55.12	113.06
Aofa’iga o Tupe Fa’aalu (% o le Tamāo’āiga)	28.8	26.3	26.4

	TF2022/23	TF2023/24	TF2024/25
Tupe Fa'aalu o Galuega Fai (% o le Tamāo'āiga)	24.7	24.6	23.2
Fa'amaumauga o Fefa'ataua'iga o Aseta (% o le Tamāo'āiga)	4.1	1.7	3.2
Fesoasoani a le Mālō (miliona talā)	2.40	5.75	6.45
Fesoasoani a le Mālō (% o le Tamāo'āiga)	0.1	0.2	0.2
Nonōgātupe a le Mālō			
Nonōgātupe a le Mālō (miliona talā)	907.5	815.4	760.4
Aofa'iga Tupe Totogi mo Nonogatupe (miliona tala)	95.8	99.4	94.7

Fa'amatalaga: Matagaluega o Tupe, Faletupe Tutotonu o Samoa, ma le Ofisa o Fuainumera Fa'amauina


Tulaga Tau Tupe a le Mālō

Paleni o Tupe Maua ma Tupe Fa'aalu o le Mālō

E pei ona fa'aailoa atu i le Siata 3.2, ua fa'amauina le fa'aauauina pea o le fa'asiliga o Tupe Maua a le Mālō mo Tausaga Fa'aletupe e tolu ua tuana'i, na mafua ona o vaega nei:

I le TF2022/23, na ausia ai e le Mālō le fa'asiliga o tupe maua nai lo'o tupe alu e tusa lea ma le \$77.1 miliona tala, ma o lo'o atagia ai le toe malosia o le tamāo'āiga ina ua mae'a se fa'aitiitiga sa iai mai i le KOVITI-19 i tausaga ua mavae. O leni tulaga lelei, na mǎfua mai i le toe si'itia o galuega tau tamāo'āiga i totonu o le atunu'u, ma le lelei o le aoina o lafoga ina ua toe tatalaina femalagaa'iga fa'avāomālō. O le maualuga o leni fa'asiliga, sa fesoasoani e fa'amautū ai tulaga tau tupe a le Mālō, ma mafai ai ona lagolagoina polokalame tau atina'e a le atunu'u a'o fa'atūmauina pea le gafataulimaina o nonōgātupe.

Siata 3.2: Paleni o Tupe Maua ma Tupe Fa'aalu fa'atusa i le Tamāo'āiga



Fa'amatalaga: Matagaluega o Tupe, Ofisa o Fuainumera Fa'amauina

Na toe si'itia atili le tulaga tau tupe a le Mālō i le TF2023/24, lea na ausia ai le maualuga o le fa'asiliga e tusa ma le \$301.0 miliona tala. O leni tulaga malosia, sa telē sona sao mai le si'itia maualuga o fesoasoani tau tupe fa'ameaalofa, ma le fa'aauauina o le si'itia o tupe maua i totonu o le atunu'u, ma ua fa'atupulaia ai tulaga o tupe a le Mālō. O leni fa'asiliga, sa mafai ai ona fa'aauau pea le fa'aitiitia o nonōgātupe a le Mālō, a'o

fa'atupeina ai tapenaga tetele a le atunu'u mo fonotaga fa'avāomālō, e pei o le Fonotaga a Fa'aalu'uluga o Mālō o le Taupulega (CHOGM).

Na fa'amautuina pea tulaga tau tupe a le Mālō i le TF2024/25, lea na fa'amauina ai le fa'asiliga o tupe maua nai lo'o tupe alu e tusa ma le \$167.7 miliona tala, po'o le 4.7% o le tamāo'āiga. O lenei tulaga na mafua mai i le si'itia o tupe maua mai lafoga ona o le fa'atupula'ia o tupe fa'aalu mo tapenaga o le Fonotaga a Fa'aalu'uluga o Mālō o le Taupulega, le Polokalame mo Atina'e o Itūmālō, fa'apea ta'alogā fa'aitulagi ma fonotaga a Ekalesia sa faia. E ui ina fa'aitiitia le Aofa'iga o Tupe Maua i le \$1,114.1 miliona tala, ona o le toe fo'i o fesoasoani tau tupe mai fafo i lona tulaga masani, ae sa taula'i pea fuafuaga a le Mālō i atina'e mo le lumana'i. O lea tulaga, sa atagia ai le si'itia o le aofa'iga o aseta tetele i le \$113.1 miliona tala, lea sa fa'atupeina ai atina'e tāua e pei o le fa'aleleia o tulaga tau puipuiga i le malae va'alele ma le nofoaga fou mo mālō fa'apitoa (VIP terminal), a'o mafai fo'i ona tali atu i lu'itau e pei o le motusia o le eletise i le fa'ai'uga o le tausaga fa'aletupe.

O lo'o tu'uina atu i le Pusa 3.2 se fa'atusatusaga o tupe sa fuafuaina, ma tupe sa fa'amauina i le vaitaimi o lo'o iloiloaina. Na maitauina le toe si'itia o le fa'atinoaina o atina'e i le TF2022/23, lea na si'itia ai le Aofa'iga o Aseta Tetele i le \$116.7 miliona tala ona o le toe amatalia ai o galuega tetele, ina ua tatalaina femalagaa'iga fa'avāomālō. Na toe fa'aitiitia lenei tulaga i le TF2023/24 i le \$55.1 miliona tala, ona o le taula'i o le Mālō i tapenaga mo fonotaga ma fa'amoemoega fa'avāomālō. I le TF2024/25, na toe si'itia ai lenei tulaga i le \$113.1 miliona tala, ma atagia ai le toe taula'i o le Mālō i atina'e tetele ma le fa'aauauina o galuega tau atina'e mo le lumana'i.


Pusa 3.2: Fa'amatalaga o Tupe a le Mālō: Gaoioiga e a'afia ai Meatōtino TF2022/23-TF2024/25

	2022/23		2023/24		2024/25	
	FUAFUAINA	FA'AMAUINA	FUAFUAINA	FA'AMAUINA	FUAFUAINA	FA'AMAUINA
TUPE MAUA	754.8	898.9	843.5	1154.6	940.8	1114.1
<i>Lafoga</i>	516.7	673.9	555.2	784.9	616.2	836.5
<i>Tupe Fa'ameaalofa</i>	147.9	141.3	166.4	269.9	196.8	186.6
<i>Isi Tupe Maua</i>	90.3	83.6	121.9	99.8	127.7	91.0
TUPE ALU	728.0	705.0	779.3	798.5	826.8	833.3
PALENI O TUPE MAUA MA TUPE ALU	26.8	193.9	64.1	356.1	114.0	280.8
AOFA'IGA O MEATŌTINO E LĒ O NI TINOITUPE	100.6	116.7	154.1	55.1	174.7	113.1
AOFA'IGA MO'OMIA FA'AUNEGĀTUPE/NONŌGĀTUPE	-73.8	77.1	-89.9	301.0	-60.7	167.7
AOTELEGA O MEATŌTINO MA NOATAGA	-73.8	77.1	-89.9	301.0	-60.7	167.7
SUIGA TAU TUPE I MEATŌTINO	-41.2	5.8	-189.2	216.0	-155.3	87.6
PALENI O LE FAASILIGA O TUPE NONŌ	-32.5	-71.3	-99.3	-85.0	-94.5	-80.1
FUA FA'ATATAU O LE TAMĀO'ĀIGA	2191.0	2853.1	2759.0	3240.4	2854.0	3584.9
Fa'asiliga o Tupe Alu i Tupe Maua	-3.4%	2.7%	-3.3%	9.3%	-2.1%	4.7%

Tupe Maua

O le fa'atinoga o fuafuaga a le Mālō mo le toe fa'afo'isia o le tamāo'āiga ma le fa'aleleia atili o alagātupe, na mafua ai le si'itia pea o tupe maua i tausaga o lo'o iloiloina. E pei ona fa'aalia i le Siata 3.3, sa tumau pea le malosi o tupe maua ma ua sili atu i le \$1 piliona tala le Aofa'iga o Tupe

Siata 3.3: Tupe Maua



Fa'amatalaga: Matagaluega o Tupe ma le Ofisa o Fuainumera Fa'amauiina

Maua i le TF2023/24 ma le TF2024/25. O lenei tulaga na mafua mai i le si'itia o tupe maua mai lafoga ma fesoasoani tau tupe, ona o le fa'atupulaia pea o le tamāo'āiga ma le si'itia o auala e aoina ai tupe maua.

O le fa'atupulaia pea o tupe fa'amomoli mai fafo ma fesoasoani tau tupe a le Mālō i vaitaimi o le KOVITI, na fesoasoani lea i le si'itia o tupe fa'aalu a tagatānu'u ma si'itia ai tupe maua mai lafoga i le TF2022/23. O le fa'amalosia o le tausisia o tulafono tau lafoga, na fesoasoani i le si'itia o tupe maua mai le TF2023/24 i le TF2024/25. E le gata i lea, sa una'ia le si'itia o tupe fa'aalu ona o le fa'ateleina o tagata asiasi mai ma le fa'atinoina o le Polokalame mo Atina'e o Itūmālō.

Sa fa'aauau pea le si'itia o tupe maua mai lafoga i le TF2024/25 e tusa ma le \$836.5 miliona tala, ona o le fa'aauauina pea o taumafaiga mo le usita'ia o tulafono tau lafoga fa'apea le fa'atūmauiina o tupe fa'aalu a āiga ma pisinisi. Na si'itia Tupe Fa'ameaalofa i le \$269.9 miliona talā i le TF2023/24, ona fa'aitiitia ai lea i le \$186.6 miliona talā i le TF2024/25. Ona o lea, na fa'aitiitia ai le Aofa'iga o Tupe Maua ona o le pa'ū o Tupe Fa'ameaalofa ona ua lata ina mae'a nisi o atina'e sa fa'atupeina e pa'aga mai fafo. E le gata i lea, o le toe fo'i ai o le tamāo'āiga i lona tulaga masani ina ua mae'a le KOVITI-19, lea ua fa'aitiitia ai le mana'omia o fesoasoani fa'apitoa mo le tali atu i le fa'ama'i.

Pusa 3.3 Tupe Maua a le Mālō o Samoa i Itūaiga TF2022/23-TF2024/25

	2022/23		2023/24		2024/25	
	FUAFUAINA	FA'AMAUINA	FUAFUAINA	FA'AMAUINA	FUAFUAINA	FA'AMAUINA
TUPE MAUA	754.8	898.8	843.5	1154.6	940.8	1114.1
<i>Lafoga</i>	516.7	673.9	555.2	784.9	616.2	836.5
<i>Lafoga o Totogi, Tupe Fa'asili, ma tupe fa'asili o aseta</i>	120.6	140.1	129.3	182.9	139.7	214.4
<i>Lafoga o Aseta Tumau</i>	0.8	0.0	0.8	0.0	0.8	0.0
<i>Lafoga o o Oloa ma Auaunaga</i>	328.5	450.0	348.3	515.1	392.6	533.9
<i>VAGST</i>	180.6	281.5	175.5	316.6	209.7	322.7
<i>Tiute Fa'aopoopo</i>	137.5	158.6	162.3	179.4	167.2	190.7
<i>Lafoga mo auaunaga fa'apitoa</i>	9.9	9.9	10.0	19.1	15	20.5
<i>Lafoga o le fa'aaogaina o oloa, pemita mo le fa'aaogaina</i>	0.54	0.0	0.54	0.0	0.56	0.0
<i>Lafoga o Fefa'ataua'iga ma Atunu'u i Fafo</i>	66.7	83.9	76.7	86.9	83.1	88.2
<i>Tupe Fa'ameaalofo</i>	147.9	141.3	166.4	269.9	196.8	186.6
<i>Isi Tupe Maua</i>	90.3	83.6	121.9	99.8	127.7	91.0
<i>Tupe Maua mai le galueina o Aseta a le Mālō</i>	28.5	16.3	41.1	36.7	49.0	22.6
<i>Fa'atauina o oloa ma auaunaga</i>	37.2	66.7	48.8	62.5	46.6	66.1
<i>Fa'asalaga</i>	24.6	0.6	32.0	0.6	32.1	2.3
<i>Tupe maua lautele ma isi</i>	0	0.0	0	0.0	0	0.0


Tupe Fa'aalu

Sa fa'aauau pea le si'itia o tupe fa'aalu a le Mālō i tausaga fa'aletupe o lo'o iloilo ina ia fa'aleleia auaunaga lautele ma atina'e.

I le TF2022/23, sa ausia ai le Aofa'iga o Tupe Fa'aalu e tusa ma le \$821.8 miliona tala, sa ave le fa'amamua a le Mālō i totogi mo tagata faigaluega

ma polokalame mo le manuia lautele. I lea vai taimi, sa fa'amamua e le Mālō le toe fa'amautuina o le tamao'aiga ina ua mae'a le KOVITI-19 ma fa'amautinoa o lo'o lava le fa'atupeina o auaunaga taua a le Mālō, a'o amata fa'atino ai fo'i galuega tau atina'e e gafataulimaina ma tali atu ai i suiga o le tau.

Siata 3.4: Tupe Fa'aalu



Fa'amatalaga: Matagaluega o Tupe, Ofisa o Fuainumera Fa'amauina

Na toe si'itia le tulaga o tupe fa'aalu i le TF2023/24 ma ausia ai le \$853.6 miliona tala, ona o le fa'atupeina o le Polokalame mo Atina'e o Itumalo ma galuega tau atina'e sa mana'omia mo tapenaga o le Fonotaga a Fa'aalu'uluga o Malo o le Taupulega (CHOGM). E ui ina si'itia Tupe Fa'aalu mo Galuega Fa'atino i le \$798.5 miliona tala e lagolago ai fuafuaga a le atunu'u, ae sa fa'asoasoina lelei e le Malo alagatupe mo vaega maoti e pei o le Soifua Maloloina, A'oa'oga ma Auaunaga Lautele.

I le TF2024/25, sa ausia ai e le Aofa'iga o Tupe Fa'aalu le \$946.4 miliona tala, ma atagia ai le fa'aauauina o le fa'atua o atina'e tetele. O se tasi o vaega taua i lea tausaga o le si'itia lea o le Aofa'iga o Aseta Tetele e tusa lea ma le \$113.1 miliona tala. O lenei suiga o lo'o atagia ai le aga'i ese mai o tupe fa'aalu mo galuega masani mo le fa'atupeina o atina'e tetele, e pei o le fa'aleleia o atina'e tau soifua maloloina e pei o le Falema'i o Tupua Tamasese Meaole (TTM), lea sa avea ma falema'i autu mo auaunaga fa'apitoa mo malo sa auai i le Fonotaga a Fa'aalu'uluga o Malo o le Taupulega (CHOGM). O isi atina'e e aofia ai galuega fa'aleleia mo le Fale Fono o le TATTE, le fa'aleleia o le saogalemua i le malae va'alele, nofoaga mo malo fa'apitoa (VIP terminal), auala tetele ma va'a fou mo femalaga'iga i le sami.

Pusa 3.4: Tupe Fa'aalu a le Malo o Samoa i Ituaiga TF2022/23-TF2024/25

	2022/23		2023/24		2024/25	
	FUAFUAINA	FA'AMAUINA	FUAFUAINA	FA'AMAUINA	FUAFUAINA	FA'AMAUINA
TUPE ALU	727.9	705.0	779.3	798.5	826.8	833.3
Fa'amanuiga ma tofogi o tagata faigaluega	307.1	278.8	370.6	295.9	392.1	315.1
Fa'aogaina o oloa ma auaunaga	154.4	187.9	302.6	255.1	329	232.2
Tului	14.0	12.7	12.6	14.4	11.7	12.8
Tupe fa'amatu'u Atu Fa'ameaalofa	20.8	2.4	24.2	5.8	25.3	6.5
Tupe Fa'ameaalofa	174.6	178.2	14.6	185.5	11.7	221.6
Fa'amanuiga mo le Soifua Manuia	43.9	35.6	41.2	34.7	44.1	35.7
Isi Tupe Alu	13.1	9.4	13.5	7.2	13	9.4
AOFA'IGA O MEATOTINO E LE O NI TINOTUPE	100.6	116.7	154.1	55.1	174.7	113.1

Ua atagia i le aofa'iga o tupe fa'aalu a le Malo le fa'aauauina pea o le si'itia o tupe fa'ameaalofa mo Fa'alapotopotoga Tuma'oti a le Malo, le Polokalame mo Atina'e o Itumalo, ma Tupe Fa'ameaalofa mo aoga a le atunu'u i le 3 tausaga ua tuana'i.

Nonogatupe a le Malo

Sa fa'amaui le tulaga lelei o nonogatupe a Samoa i tausaga fa'aletupe ua iloilo. O le aofa'iga o nonogatupe pe a fa'atua i le tamao'auga, sa fa'atumauina i le le sili atu ma le tapula'a e 50 pasene, lea sa fa'aititia mai le 31.8 pasene i le TF2022/23 i le 21.2 pasene i le TF2024/25. O lea fa'aititiga, o lo'o atagia ai le si'itia o le tamao'auga fa'apea le fa'aititia o le aofa'iga o nonogatupe, lea sa pa'u mai le \$907.5 miliona tala i le \$760.4 miliona tala.

I tausaga o lo’o iloiloaina, e lima nōnōgatupe na mae’a le totogiina ma tapunia. I le TF2022/23, na ma’ea totogi ai le nōnōgatupe mai le Faletupe o Atina’e o Asia (ADB) mo le Poloketi a le Fa’alapotopotoga o Esetete Tausi a Samoa i Sisifo (WSTEC). O le nōnōgatupe a Fa’alapotopotoga o Esetete Tausi a Samoa (STEC) mai le Fa’alapotopotoga o Fa’aputugātupe Teufa’afaigaluega o Mavaega Tausi a Samoa (UTOS), na ma’ea totogiina i le TF2023/24. I le TF2024/25, e tolu isi nōnōgatupe na tapunia: tasi le nōnōgatupe mai le Faletupe o Atina’e o Asia, o le tasi mai le Faletupe o le Lalolagi (IDA-World Bank), ma le isi mai le Fa’aunegātupe mai le Fa’aputugātupe a le Fa’alapotopotoga a Atunu’u e Auina Atu i Fafo Suāu’u (OPEC). E le gata i lea, e lua ni fa’amāmā avega i le Tu’usaunoaina o Totogi o Nōnōgatupe mai Fale Tupe o Saina ma Iapani, sa fa’apea na fa’amaeaina le totogiina i le TF2024/25 i le maea ai o le KOVITI-19 ma fetunaiga e tu’u ai tua le totogiina o aitalafau.

O le aofa’iga o tupe totogi i nōnōgatupe, sa fa’apea ona fa’atumauiina i se tulaga gafatia ona o le pa’ū lea mai le \$95.8 miliona i le TF2022/23 i le \$94.7 miliona i le TF2024/25. O le pasene o le aofaiga o tupe totogi i nōnōgatupe maua sa pa’ū mai le 14.7 pasene i le TF2022/23 i le 10.1 pasene i le TF2024/25, o lo’o fa’atumauiina pea le lē sili atu ma le tapula’a o le 20 pasene. O lenei pa’ū o lo’o fesoasoani lea i gafataulimaina e le Mālō o tupe fa’aalu ma fa’atumauiina le tulaga lelei o totogiina o aitalafu.

O le puleaina lelei o nōnōgatupe a le Mālō, e aofia ai le mata’itūina o nōnōgatupe lē fuafuaina, lea e iai nōnōgatupe e fa’amaonia e le Mālō, nōnōgatupe a Fa’alapotopotoga a le Mālō, ma nōnōgatupe a le Mālō e toe nonō atu i Fa’alapotopotoga. O le aofa’iga atoa o nei nōnōgatupe sa fa’amauiina i le \$274.6 miliona talā i le fa’aiuga o le TF2024/25.

O le aofa’iga o nōnōgatupe e fa’amaonia e le Mālō e tusa lea ma le \$93.2 miliona talā, e tusa lea ma le 2.8 pasene o le tamāo’āiga, ma o loo fa’atumauiina pea le lē sili atu ma le tapula’a o le 10 pasene. O le tele o nei nōnōgatupe na umia e le Faletupe mo Atiinae o Samoa, ma isi vaega na umia e le Pulega o Malaeva’alele (SAA), Le Fa’alapotopotoga o Fale o Samoa (SHC), le Kamupani o Auaunaga mo Mataupu tau Va’a (SSS), ma le Kamupani Va’alele o le Polenisia – Samoa Airwarys (PAL-SAL).

O nisi o nōnōgatupe a Fa’alapotopotoga a le Mālō e le o iai se fa’amalumaluga a le Mālō e tusa lea ma le \$30.2 miliona tala, e aofia ai nōnōgatupe a le Fa’alapotopotoga o Fale o Samoa (SHC) ma le Fa’alapotopotoga o Fanua o Samoa (SLC). O le paleni totoe o nōnōgatupe a le Mālō e toe nono atu i fa’alapotopotoga e tusa lea ma le \$151.3 miliona tala. O se vaega tele o lenei aofa’i e mo le Fa’alapotopotoga o Malosi’aga tau Eletise (EPC) ma le Samoa Submarine Cable Company (SSCC), atoa ma ni isi o vaega mo le Fa’alapotopotoga o Fa’aputugātupe Teufa’afaigaluega o Mavaega Tausi a Samoa, ma le Faletupe mo Atina’e o Samoa.


O loo fa’aauau pea le mata’ituina lelei o nei nōnōgatupe lē fuafuaina auā le fa’afoeina lelei o ni a’afiaga i le tala o le tupe, e ono tulai mai i ni suiga i tulaga tau tupe a nei fa’alapotopotoga.

Faiga Fa'avae Tau Tupe

E tusa ai ma le fa'aitiitia o le tau o oloa ma auaunaga fa'apea le lelei o le tulaga o le tamāō'āiga, lea ua fa'aauau ai e le Faletupe Tutotonu o Samoa le Faiga Fa'avae Tau Tupe ma le naunauta'iga e tu'uitiitia le maualuga o loo iai le tulaga o mea tau tupe (liquidity), ae fa'apea taumafaiga e fa'atumauiina ai le tului o tupe I le tapula'a e tusa lea ma le 2-3 pasene. O nei taumafaiga uma e lē oo ai i se tulaga e taofiofi ai Faiga Fa'avae Tau Tupe, ae ia iai se avanoa e mafai ai ona toe sui Faiga Fa'avae Tau Tupe. O le ausiaina o vaega ua fa'ailoa atu i luga, lea o le a fa'alauteleina ai Gaoioiga Fa'amaketi a le Faletupe Tutotonu o Samoa – e aofia ai le aofoa'iga ma le fa'asoasoina o Pepa o Tupe Teu Fa'avaitaimi, e aofia ai pepa e 182 aso ma le 364 aso.

Tau o Oloa ma Auaunaga

Siata 3.5: Tau o Oloa ma Auaunaga



Fa'amatalaga: Faletupe Tutotonu o Samoa ma le Ofisa o Fuainumera Fa'amauiina


ona faimalaga mai o tagata asiasi ma le fa'aauauina o galuega mo le tamāō'āiga na atili ai ona fa'atupula'ia tau o oloa aemaise lava i mea'ai ma fela'uaiga.

Sa toe paū maualalo i le 3.6 pasene le tau o oloa ma auaunaga i le TF2023/24 e āfua mai i le tu'uitiitia o tau o oloa mai fafo fa'apea le toe fa'aleleia o tulaga o oloa maua. Sa maitauina fo'i le fa'aitiitia o mana'oga i totonu o le atunu'u ma le paū o le tau o Fale, Suavai, Eletise, Kesi ma isi Suāu'u, Fela'ua'iga fa'apea A'oa'oga.

I le TF2024/25, sa fa'atumauiina pea le pa'ū o tau o oloa ma auaunaga i le 1.9 pasene i lalo ifo o le tapula'a mo le tau o le soifuaga. Na mafua lenei tulaga ona o le tu'uitiitia o tau o oloa mai fafo e aofia ai suāu'u, kesi, pasese o va'alele aemaise le paū o tau o fela'uaiga ma meāfale. Sa fa'apea ona fa'apaleni lenei paū i le maualuga o tau o mea'ai e maua i totonu o le atunu'u e pei o talo, i'a ma popo, aemaise ai le maualuga o tau o feso'ota'iga ma auaunaga mo aiga.

Aofa'iga o Tagata Tafafao Maimoa Mai ma Tupe Maua

Siata 3.6: Aofa'iga o Tagata Tafafao Maimoa Mai ma Tupe Maua



Fa'amatalaga: Faletupe Tutotonu o Samoa

Sa toe fa'afoti i se tulaga lelei le aofai o tagata tafafao maimoa mai fafo i le TF2022/23 ina ua toe tatala femalaga'iga fa'avāomālo ia Aukuso 2022. Sa fa'amauiina le ausia i le 145,763 le aofaiga o tagata asiasi mai e aofia ai meli (cruise ships) ma sa fa'amauiina le maualuga o tupe maua e \$424.8 miliona talā. O le to'atele o ē sa asiasi mai

i lea vaietimi e aofia ai tagata sa faimalaga mai e āsia aiga ma uo, ma atagia ai le tele o feiloaiga a aiga sa lē mafai ona fa'ataunu'uina talu le vavao sa i ai i femalagaiga.


Sa toe si'itia atili tagata tafafao maimoa mai fafo i le TF2023/24 lea na fa'amauiina i le 195,976, fa'atasi ai ma tupe maua e \$622.2 miliona talā. O le tausaga fa'aletupe foi lea sa fa'amauiina ai le sili atu o fuainumera o tagata sa faimalaga mai mo tafaoga nai lo'o aiga ma uo asiasi mai. O aso fa'apitoa fa'a-le-aganu'u, o ta'alogaga ma polokalame fa'amanatu a nu'u ma alalafaga lea sa fai ma sao tāua i le si'itia o le numera o tagata asiasi mai.

Na toe si'itia atili le aofa'i o tagata asiasi i le 209,721 mo le TF2024/25, ma atagia ai le toe fo'i i tulaga masani ma e maualuga laititi atu i le tulaga na iai a'o le'i oo mai le fa'ama'i o le Koviti-19, ma si'itia ai tupe maua mai tagata asiasi i le \$652.2 miliona talā. O lenei si'itaga na mafua i nisi o fa'amoemoe fa'aleāganu'u ma isi polokalame mo tagata tafafao maimoa, e aofia ai le fa'amanatuina o le Teuila, o le Tauvaga Tausala o Samoa, fa'apea koneseti. E le gata i lea, o le taligāmālo mo le Fonotaga a Fa'a'ulu'uluga o Mālō a le Taupulega ma ona tapenaga, fa'atasi ai ma isi fonotaga fa'aitulagi. O nei polokalame fa'apitoa fa'apea tagata faimalaga mai mo tafaoga, o lo'o fai pea ma sao tāua i le una'ia lea o le numera o tagata asiasi mai. Sa maitauina le maualuga pea o le numera o tagata tafafao mai nai lo'o uō ma 'āiga asiasi mai.

Tupe Fa'amomoli mai Fafo

Na fa'atumauina pea le malosi o le aofai o tupe fa'amomoli mai fafo i tausaga o le iloiloga ma sa va'aia ai le si'itia mai le \$831.8 miliona tālā i le TF2022/23 i le \$876.2 miliona tālā mo le TF2023/24, ma le \$900.6 miliona tālā e pei ona fa'amauina i le TF2024/25. O lo'o fa'aauau pea le maualuga o le sao a Niu Sila i tupe fa'amomoli, soso'o ai ma Ausetalia ma Amerika.

Siata 3.7: Aofa'iga o Tupe Fa'amomoli Mai Fafo



Fa'amatalaga: Faletupe Tutotonu o Samoa

I le TF2024/25, na fa'amauina ai le fa'aititia o tupe fa'amomoli mai Niu Sila, Amerika Samoa ma isi atunu'u. Peita'i, sa toe fa'apaleni i le maualuga o tupe fa'amomoli mai Ausetalia ma Amerika lea na mafua ai le maualuga o le si'itaga atoa o tupe fa'amomoli. O le si'itia pea o tupe fa'amomoli mai fafo o lo'o atagia ai le fa'aauau o le auai atu o tagata Samoa i galuega fa'avaitaimi fa'apea le fa'atumauina pea o le lagolago mai o tagata Samoa o lo'o aumau i atunu'u i fafo.

Tupe Fa'aagaga i Atunu'u i Fafo

O lo'o fa'aauau pea le si'itia o tupe fa'aagaga a Samoa i atunu'u i fafo i le TF2024/25, ma sa fa'amauina ai le o'o atu i le \$1,559.9 miliona tālā, e tusa lea ma le 15.2 masina o oloa fa'atauina mai fafo. O lea aofaiga ua sili atu nai lo'o le fua fa'atatau e pei ona i ai le 4.0 masina mo oloa auaina mai fafo.

O le fa'atumauina ai pea o le si'itia o tupe fa'aagaga, o lo'o atagia mai ai le malosi o fesoasoani tau tupe tu'usao mai a tatou pa'aga mo atina'e auā le tali atu i a'afiaga o le KOVITI-19 aemaise o le fa'aauauina pea o tupe fesoasoani tu'usao mo tala o le tupe. Sa maitauina fo'i le si'itia o tupe maua mai fefa'ataua'iga mai fafo e tau ala mai i tagata tafafao maimoa ma tupe fa'amomoli.

4. Va'aiga Taula'i i le Tamāo'aiga ma Tulaga Tau Tupe

Tūlaga i le Tamāo'aiga

Va'aiga Taula'i i le Tamāo'aiga o le Lalolagi

E tusa ai ma le lipoti a le Fa'alapotopotoga o Fa'aputugatupe a le Lalolagi (IMF), mo le masina o Aperila 2026, ua fa'amauiina ai le ono fa'atupulaia o le tamāo'aiga o le lalolagi i le 3.1 pasene i le 2026, ma le 3.2 pasene i le 2027. Ua va'aia le fa'aiti'itia o le tamāo'aiga i le 2026 ae o lo'o tumau pea le va'aiga taula'i mo le 2027, pe a fa'atusatusa i le lipoti a le Fa'alapotopotoga o Fa'aputugatupe a le Lalolagi ia Ianuari 2026. O nei suiga e mafua mai i fe'ese'eseaiga fa'avāomalō, e aofia ai a'afiaga o le taua o lo'o fa'agasolo nei i Sasa'e Tutotonu, ma ua taofia ai le agai i luma o le tamāo'aiga. Ua fa'ateleina le lē mautonu, ma ua afaina ai fefa'atauaiga ma atunu'u i fafo, ma suia ai gaioiga tau tamāo'aiga. Afai e umi pe fa'ateteleina lenei fete'ena'iga, e ono fa'atelegese ai le fa'atupulaia o le tamāo'aiga i le 2026, ma o le a si'itia ai fo'i le tau o le soifuaga. A o'o i se tulaga e sili ona ogaoga ma a'afia ai atina'e tetele tau malosiaiga, e ono fa'aitiitia ai le fa'atupulaia o le tamāo'aiga o le lalolagi, si'itia ai tau o oloa ma auaunaga, ma fa'atuputeleina ai le lē mautu o le tamāo'aiga o itūlagi ese'ese. Ua fa'a'opo'opo atu i nei fe'ese'ese'aiga fa'avāomalō, nisi o lamatiaga e aofia ai le si'itia o aitalafu a Mālō, ono pa'ū maketi tau tupe, fete'ena'iga i fefa'ataua'iga, ma le fa'aiti'itia o le talitonuina o faiga fa'avae tau tupe. O nei lamatiaga, fa'atasi ai ma tulaga vaivai o tupe a Mālō i le tele o atunu'u, e mafai ona fa'ateleina ai fa'afitauli pe a tumau pea nei fa'alavelave.

Ua fuafuaina e si'itia le tau o le soifuaga i le lalolagi i le 4.4 pasene i le 2026, ae fa'aitiitia i le 3.7 pasene i le 2027, ina ua toe si'itia mai i fuafuaga na fa'ata'atia muamua i le Lipoti a le Fa'alapotopotoga o Fa'aputugatupe a le Lalolagi ia Ianuari 2026. O nei fesuaiga, e ui o lo'o fa'aitiitia le tau o le soifuaga, ae o lo'o iai pea i se tulaga ma'ale'ale ma e ono toe si'itia i itulagi eseese, ona o le si'itia o tau o malosiaiga, tau o fela'uaiga, ma a'afiaga i fefa'atauaiga ona o fe'ese'eseaiga i Sasa'e Tutotonu. Peitai, o lo'o fa'amoemoe e fa'aiti'itia le si'itia o tau o oloa i tausaga o i luma ona o le fa'aleleia o tulaga i faiga fa'avae tau tupe fa'apea tulaga tau fefa'atauaiga ma fela'ua'iga o oloa. O nei a'afiaga e ono fa'afaigata ai le mata'ituina o le tamāo'aiga, aemaise lava i atunu'u e vaivai le tamāo'aiga, maualuga tulaga tau aitalafu, ma utiuti faiga e puipuia ai fuafuaga mo tupe a le Mālō.

Va'aiga Taula'i: Tamāo'aiga a Atunu'u Fa'apa'aga Masani a Samoa

O se va'aiga lata mai i le tulaga o le tamāo'aiga a atunu'u fa'apa'aga masani a Samoa, o le a telegese le fa'atupulaia o tamāo'aiga, e i lalo ifo ma le tulaga masani o le fa'atupulaia o le tamāo'aiga mo Niu Sila, Ausetalia, ma Amerika. E tusa ai ma le Lipoti o le Fa'amatalaga o Fuafuaga mo Tupe i le Afa o le Tausaga a le Mālō o Niu Sila ia Tesema 2025, ua fa'asolo ona toe malosi le tamāo'aiga mai se fa'aiti'itiga umi, ma ua fuafuaina e fa'atupulaia i le 1.7 pasene i le TF2025/26, ma le 3.4 pasene i le TF2026/27. O lenei fuafuaga o lo'o lagolagoina e le fa'aiti'itia o le si'itia o tau o oloa ma auaunaga, ma le tu'uiti'itia o tului, fa'amalosia le tele o oloa auina atu i fafo, ma le tulaga lelei i tupe fa'aalu a aiga. I le Mālō o Ausetalia, o le a fuafuaina e fa'atupulaia le tamāo'aiga

i se va'aiga taula'i. E tusa ai ma le Lipoti o le Va'aiga Taula'i i Fuafuaga mo Tupe a le Mālō o Ausetalia i le Afa o le Tausaga ia Tesema 2025, o lo'o fa'amoemoe e fa'atupulaia le tamāo'aiga i le 2.3 pasene i le TF2025/26 ma le TF2026/27, ona o le fa'atupulaia o tupe teufa'afaigaluega, tulaga mautū i le maketi o galuega, fa'aiti'itiga o le tau o oloa ma auunaga, ma le toe si'itia mālie o tupe fa'aalu a aiga. Mo Amerika, o lo'o fuafuaina e fa'atupulaia lo latou tamāo'aiga i le 2.2 pasene mo le tausaga 2026, ona toe fa'aiti'itia lea i le 1.8 mo le tausaga 2027 se'ia o'o i le tausaga 2036.

Va'aiga Taula'i: Tamāo'aiga o Atunu'u o le Pasefika

O le Lipoti a le Faletupe o le Lalolagi i tamāo'aiga a le Pasefika (Pacific Economic Update) ia Me 2026, na fa'ailoa ai le fa'aiti'itia o le fa'atupulaia o le tamāo'aiga mo atunu'u e 11 o le Pasefika (Atu Maikoronisia, Fiti, Kilipati, Au Malesala, Nauru, Palau, Samoa, Atu Solomona, Toga, Tuvalu, ma Vanuatu). I le tausaga 2024, na fa'aiti'itia ai le fa'atupulaia o le tamāo'aiga i le 3.2 pasene, mai le 6.5 pasene sa iai i le 2023. O lo'o fuafuaina e fa'atupulaia le fa'atupulaia o le tamāo'aiga i le 3.2 pasene i le tausaga 2025, ona toe fa'aiti'itia lea i le 2.8 pasene mo le tausaga 2026.

O lenei fa'aiti'itiga e atagia ai le toe foi o le tulaga o tagata maimoa mai fafo i lona tulaga masani ina ua maea le fa'ama'i o le KOVITI, aemaise lava i Fiti, fa'atasi ai ma lu'itau fa'alotoifale i nisi o atunu'u e aofia ai Solomona, o lo'o tumau pea lona fa'atupulaia i lalo ifo o lona tulaga masani, e afua mai i le fa'aiti'itia o le tatu'uina i lalo o la'au mo le fa'atauina atu. E le gata i lea, o le fa'atupulaia o tulaga le mautonu i le tamāo'aiga o le lalolagi, atoa ai ma le si'itia o tau o le malosiaga ma fela'uiga e mafua mai i feese'eseaiga fa'avaomalo e aofia ai le taua o lo'o fa'agasolo nei i Sasa'e Tutotonu, o loo fa'aauau ona aafia ai le tamāo'aiga o le itulagi ma fa'ateleina le malosi o tulaga ma'ale'ale i a'afiaga mai fafo. O lo'o fuafuaina foi le fa'atupulaia o le tamāo'aiga mo atunu'u e fa'alagolago i tagata tafafao maimoa ma tupe fa'amomoli mai fafo e pei o Palau, Samoa, Toga, ma Vanuatu. E ui ina fa'amauiina le fa'aleleia o nei tamāo'aiga, ae ua fuafuaina e fa'aiti'itia le fa'atupulaia ona o le maualuga o le tau o fela'uiga, ma le fa'aiti'itia o manaoga mai fafo, e ono a'afia ai le ulufale mai o tagata maimoa. E ui i le toe fa'aleleia o le vaega o tagata tafafao maimoa i le 2025, e maualuga atu i le tulaga sa iai ao lei o'o mai le fa'ama'i, o lo'o tumau pea le afaina tele o atumotu o le Pasefika i suiga o le lalolagi, e aofia ai fesuiaiga i tau o le suau'u, fa'aletonu i felauaiga ma fa'asalalauga, ma a'afiaga o suiga o le tau, lea ua fuafuaina e fa'aiti'itia ai le fa'atupulaia o le tamāo'aiga i se taimi lata mai, ma ono fa'ateleina ai le le mautonu i le tamāo'aiga o le lalolagi. O lo'o fuafuaina e tusa ma le 2 pasene le fa'atupulaia o le tamāo'aiga o atunu'u o le Pasefika i tausaga o lumana'i, e maualalo atu nai lo'o le sefulu tausaga ua tuana'i a'o lei o'o mai le fa'ama'i. O nei a'afiaga e atagia ai lu'itau fa'alotoifale, utiuti o le atina'eina o le vaega tumaoti, fa'apea ai ma a'afiaga masani mai fafo aemaise lamatiaga o suiga o le tau.

Tau o Oloa ma Auaunaga

O lo'o fa'atumauina pea i se tulaga maualalo le tau o oloa ma auaunaga ma o lo'o i lalo ifo o le tapula'a a le Faletupe Tutotonu o Samoa e 3.0 pasene. O lo'o fa'amauiina le tau o oloa fa'aletausaga e tusa ma le 1.2 pasene i le masina o Mati 2026, mai le 2.2 pasene sa iai i le masina o Tesema 2025. E mafua lea tulaga i le pa'u o tau o oloa mai fafo i le -0.5 pasene mai le 0.2 pasene sa iai ia Tesema 2025. I le isi itu, sa fa'aitiitia le siitia o tau i totonu o le atunu'u i le 3.9 pasene mai le 4.3 pasene ia Tesema 2025. O le tau fa'aletausaga o oloa ma auaunaga ua ave'eseina ai oloa ma'aleale, ua fa'aitiitia foi i le 0.7 pasene, ma ua fa'ailoa ai le pa'u o tau autu.

I le va'aiga agai i le lumana'i, o lo'o fuafuaina e siitia le tau o oloa ma auaunaga i le Masina o Me 2026 ona o le feese'eseaiga i le va o Amerika, Isaraelu ma Irani. O lea foi ua fuafuaina e fa'asolo ina siitia le fa'atupulaia e tusa ma le 1.0 i le 1.3 pasene ia Iuni 2026, ae o lo'o fa'atumauina pea i lalo o le tapulaa. O lenei tulaga e atagia mai ai le siitia malie ai o tau o oloa auina mai fafo i le 0.1 pasene ae ua fuafuaina e fa'aitiitia le tau o oloa i le lotoifale i le 3.0 pasene.

Tupe Fa'aagaga i Atunu'u i Fafo

O lo'o fa'atupulaia le maualuga o le aofaiga o tupe fa'aagaga i atunu'u i fafo mo fefa'atauaiga, i le \$1,620.83 miliona tala mo le fa'aiuga o Mati 2026, e tusa lea ma le 15.9 masina o oloa fa'atauina mai fafo.

I se va'aiga taula'i, ua fa'ailoa mai e ni fuafuaga aloaia le fa'atupulaia o tupe fa'aagaga i atunu'u i fafo mo fefa'atauaiga e tusa ma le \$1,696.6 miliona tala i le fa'aiuga o Iuni 2026. O lea fa'atupulaiga fuafuaina e mafua mai i le fa'aauau o le siitia pea o tupe fa'ameaalofa a le Mālō ma fesoasoani tau tupe, atoa ai ma le malosi o le fa'atauina e le Faletupe Tutotonu o tupe fa'afesuiai mai fafo i fale tupe laiti. O lenei tulaga e atagia ai le fa'aauau pea o tupe maua mai tagata maimoa ma tupe fa'amomoli, lea ua siitia ai tulaga tau tupe mai fafo i fale tupe. Ona o lea, e ui o lo'o fa'atumauina pea tupe fa'aagaga i luga atu o le tapula'a a le Faletupe Tutotonu, ia 4 masina pe sili atu o oloa fa'atauina mai fafo, o lo'o fuafua e fa'atumauina i lea tulaga nai lo'o le fa'atupulaia.

Va'aiga i le Lumana'i mo le TF2025/26 i le TF2028/29

Pusa 4.1: Fa'amauga o Fuainumera o le Tamāo'āiga

	TF2025/26	TF2026/27	TF2027/28	TF2028/29
Faiga Fa'avae mo le pūlea lelei o tupe:				
Fa'asiliga o Tupe Fa'aalu i Tupe Maua ia i totonu o le 3.5% o le Tamāo'āiga	-3.3	-3.1	-2.8	-2.3
Vaega o Tupe Maua i le Aofa'iga o Tupe Fa'aalu mo Galuega Fa'atino ia lē i lalo ifo o le 70%	78.27	78.47	77.41	78.37
Totogi o Tagata Faigaluega ia fa'atūmauina i totonu o le 35% o le Aofa'iga o Tupe Fa'aalu mo Galuega Fa'atino	37.6	31.8	31.1	31.1
Aofa'iga o Tupe Fa'aalu mo Galuega Fa'atino ia fa'atūmauina i totonu o le 40% o le Tamāo'āiga	29.4	32.0	30.5	28.4
Tupe Totogi mo Nonogatupe ia i totonu o le 20% o Tupe Maua (e lē aofia ai Tupe Fa'ameaalofa)	10.4	9.0	8.0	7.5
Aofa'iga o Nonogatupe a le Mālō ia i totonu o le 50% o le Tamāo'āiga.	18.2	16.2	14.1	12.7
Tulaga i le Tamāo'āiga				
Tamāo'āiga (miliona talā)	3,772.1	4,015.1	4,272.2	4,530.2
Tamāo'āiga Fa'atulagaina (2013 tau fa'atulagaina) (miliona talā)	2,664.2	2,745.0	2,826.5	2,913.5
% Fa'atupula'ia	2.8	3.0	3.0	3.1
Paleni o le Tala o le Tupe				
Paleni o le Tala o le Tupe (miliona talā)	-125.0	-124.9	-120.3	-104.4
Tupe Maua				
Aofa'iga o Tupe Maua (miliona talā)	941.7	1,188.2	1,198.3	1,201.6
Tupe Maua i Lafoga (miliona talā)	664.0	810.3	820.4	823.6
Tupe Maua Fa'ameaalofa (miliona talā)	163.8	276.7	276.7	276.7
Isi Tupe Maua (miliona talā)	113.9	101.2	101.3	101.3
Tupe Maua (% o le Tamāo'āiga)	25.0	29.6	28.0	26.5
Tupe Maua i Lafoga (% o le Tamāo'āiga)	17.6	20.2	19.2	18.2
Tupe Maua i Meaalofa (% o le Tamāo'āiga)	4.3	6.9	6.5	6.1
Isi Tupe Maua (% o le Tamāo'āiga)	3.0	2.5	2.4	2.2
Aofa'iga o Tupe Fa'aalu				
Aofa'iga o Tupe Fa'aalu (miliona talā)	1,066.7	1,313.1	1,318.6	1,306.0

	TF2025/26	TF2026/27	TF2027/28	TF2028/29
Tupe Fa'aalu mo Galuega Fai (miliona talā)	935.0	1,109.5	1,135.8	1,128.5
Fa'amaumauga o Fefa'ataua'iga o Aseta (miliona talā)	131.7	203.6	182.8	177.5
Aofa'iga o Tupe Fa'aalu (% o le Tamāo'āiga)	28.3	32.7	30.9	28.8
Tupe Fa'aalu o Galuega Fai (% o le Tamāo'āiga)	24.8	27.6	26.6	24.9
Fa'amaumauga o Fefa'ataua'iga o Aseta (% o le Tamāo'āiga)	3.5	5.1	4.3	3.9
Fesoasoani a le Mālō (miliona talā)	28.5	28.0	28.0	28.0
Fesoasoani a le Mālō (% o le Tamāo'āiga)	0.8	0.7	0.7	0.6
Nonōgātupe a le Mālō				
Nonōgātupe a le Mālō (miliona talā)	687.5	652.0	602.1	577.1
Aofa'iga Tupe Totogi mo Nonogatupe (miliona tala)	90.3	90.6	80.5	75.3

Fa'amatalaga: Matagaluega o Tupe, Faletupe Tutotonu o Samoa, ma le Ofisa o Fuainumera Fa'amauina

O le tamāo'aiga o Samoa i le TF2025/26 o lo'o fuafua e fa'atupulaia i le 2.8 pasene, o se fetu'unaiga mai le 4.5 pasene sa lipotia i le Fa'amatalaga o Fuafuaga mo Tupe a le Mālō 2025/26. O nei fetu'unaiga o lo'o atagia ai se fa'aiti'itiga o fa'amaumauga mai fuafuaga sa iai mo le afa muamua o le tausaga fa'aletupe, lea sa fa'amauina ai le fa'aitiitiga o le tamāo'aiga e tusa ma le 1.5 pasene mo le kuata o Setema ma fa'amauina ai le si'itia lemu o le tamāo'aiga e tusa lea ma le 0.2 pesene mo le kuata o Tesema.

O lea ua fuafuaina e fa'atupulaia pea le tamāo'aiga mo kuata mulimuli o le tausaga fa'aletupe, e lagolagoina i le si'itia o tagata maimoa mai fafo ma tupe fa'aalu a aiga e mafua mai i le si'itia o tupe fa'amomoli ma le fa'aauauina o le fa'atinoina o atinae fuafuaina a le Mālō. O lenei va'aiga taula'i ua fa'amautu atili i le fa'atautaia o nisi o fa'amoemoe e pei ona iai taligāmalo mo le Tauvaga Si'isi'i Uamea Mamafa, le Faagatama o le Pí'i a lenei Itulagi, Fonotaga a Ekalesia talu ai nei ma le fa'amanatuina o le 64 tausaga o le Tutoatasi o Samoa mo le masina fou.

O lo'o fa'amoemoe fo'i lenei vaaiga taula'i i le fa'aauauina o le fa'atinoga o vaega fa'amua o le Taiala mo le Lumanai Manuia o Samoa, fa'atasi ai ma isi fuafuaga mo tupe fa'aalu a le Mālō. O lo'o aofia ai fesoasoani lautele e pei o le \$32.5 miliona talā mo le fanau aoga (Back-to-School Grant), vaegatupe mo aiga na a'afia i le motusia o le eletise i le amataga o le tausaga 2025, ma le fesoasoani e \$10 miliona talā mo tagatanu'u na a'afia i le va'a sa goto i le gataifale o le Itumalo o Safata. I lona aotelega, o nei fuafuaga e ono fa'aleleia ai mana'oga i le lotoifale ma lagolagoina ai le fa'atupulaia o le tamāo'aiga i kuata o loo totoe o le TF2025/26.

E le gata i lea, o lo'o fa'agasolo pea atina'e fuafuaina a le Mālō, e aofia ai le fa'amaeaina o le Maketi i Savalalo, Fale Fa'apitoa i Atele mo oloa auina atu i fafo, le Ofisa a le Matagaluega o Fa'atoaga ma Faigafaiva i Savaii, fa'apea ma atina'e tetele i felauaiga, uafu, auala, feso'otaiga fa'atekonolosi, ma auaunaga lautele, ua fa'amoemoe e

lagolagoina ai le fausiaina o galuega tetele ma le fa'amalosiā o le mausali o le tamāo'aiga i le lumanai.

O le va'aiga taulai o le tamāo'aiga mo le TF2026/27 e tusa lea ma le 3.0 pasene, o se suiga mai le 3.7 pasene sa fa'amauiina i le Fa'amatalāga o Fuafuaga mo Tupe a le Mālō ua tuana'i atu. O lenei suiga e atagia ai le fa'agaioiga o vaega fa'amuamua a le TLMS fou ma le fa'atinoina o fuafuaga a le Mālō. O lea e aofia ai le fa'aauuina o atinae fuafuaina i lalo o Polokalame tau Atinae a le Mālō, fa'apea le fa'atupulaia o atina'e mo Vaega o Tagata Tafafao Maimoa, Femalaga'iga i le ea, Fale Gaosi Oloa, ma Faiga Fa'atoaga Fa'apisinisi aua le unaia o oloa auina atu i fafo, lea o le a fa'atupulaia atili ai vaega o Galuega Tetele ma isi vaega maoti. O le fa'afoeina o le vaegatupe e \$2 miliona mo le Polokalame mo le Atinae o Itumalo, o le a fesoasoani tele lea i poloketi tau fa'atoaga, faigafaiva, ma atina'e laiti, ma fa'amalosiā ai auaunaga tau le tamāo'aiga i le lotoifale.

O lenei foi si'itaga o lo'o lagolagoina ai le fa'alauteleina o fuafuaga o tupe fa'aalu a le Mālō, e aofia ai le si'itaga o totonu, fuafuaga mo le malu puipua o soifuaga lautele e pei o siitaga mo le Penisiona ma le amatalia o le Polokalame fesoasoani a le Mālō mo le Fanau Iti (Child Wellbeing Benefit) lea e fa'amoemoe e fesoasoani i tupe maua ma tupe fa'aalu a aiga. O nisi o faiga fa'avae e aofia ai le fuafuaga mo le tali atu i a'afiaga o le taua i Sasa'e Tutotonu a le Komiti Faufautua mo Fa'alavelave Matuia ma Fa'alavelave Fa'afuasei (DAC), o le tu'ueseeseina o le Matāgaluega o Tinā ma Tama'ita'i, Atina'e o Nu'u ma Agafeso'otai i le Matāgaluega mo le Atina'ega o Aiga ma Agafeso'otai fa'apea ma le fa'avaeina o le Pulega o Atina'e mo Itumalo o Samoa (SDDA) mo le fa'afoeina o le Poloketi Atina'e a Itumalo. O le a fa'atūina fo'i le Matāgaluega o Faigafaiva ma Punaoa o le Gataifale, ua tu'ueseina mai le Matāgaluega o Fa'atoaga. O le fa'aleleia o gaioiga tau tamāo'aiga ua fa'amoemoe i le fa'atupulaia o tupe fa'amomoli mai fafo, le fa'alauteleina o fefa'atauaiga i luga o upega tafailagi, ma le fa'aleleia o auaunaga ma fa'amatalaga fa'atekonolosi, o le a fesoasoani i tupe maua ma tupe fa'aalu a aiga.

O nisi o vaega e ono fa'atupulaia ai le tamāo'aiga e afua mai Polokalame mo Tupe Teufa'afaigaluega mo Sitiseni fa'apea avanoa mo le fa'atauina o se va'alele fou, fa'atasi ai ma le tu'uina atu o fesoasoani fa'aunegatupe e māmā tului e tauala atu i le Faletupe o Atina'e o Samoa, Fa'alapotopotoga mo Atina'e o Pisinisi Laiti, ma le Fa'alapotopotoga o Fale o Samoa, o le a fesoasoani i le fa'atupulaia o avanoa mo nōnōgatupe ma gaioga tau tamāo'aiga.

I le TF2027/28 ma TF2028/29, ua fuafuaina o lea fa'atumauiina le fa'atupulaia o le tamāo'aiga i le 3.0 pasene ma le 3.1 pasene, o lo'o fa'amoemoe e iai suiga mai tulaga o le fa'alauteleina sa iai mo le tamāo'aiga seia agai i se tulaga mautu. O lea, e atagia ai le tu'uitiitia o fuafuaga o tupe fa'aalu mai tausaga ua tuana'i ae ia fa'atumauiina pea le fa'agasologa ma le fa'amaeaina o nei polokalame.

O lo'o iai pea le fa'amoemoega e fa'aauau le fa'atupulaia o le tamāo'aiga e ala i tupe fa'aalu mo le vaega o tagata maimoa mai fafo, pisinisi tau fa'atoaga, pisinisi laiti ma atinae tetele fa'atasi ai ma le fa'aauauina o le fa'atinoga o le Polokalame mo le Atina'e o Itumalo. E le gata i lea, o lo'o fuafuaina le fa'atinoina o nisi o poloketi tetele i totonu o nei tausaga fa'aletupe, e aofia ai le fa'alauteleina o auaunaga tau femalagaiga i le ea ma le fa'atinoina o le Poloketi mo le Fausiaina o le Fa'atanoa i Alaoa. O nei galuega tetele o lo'o fa'amoemoe e fa'atupulaia ai le tamāo'aiga i vaega o galuega tetele, felaua'iga, fa'apea foi ma isi auaunaga, ma fa'amalosia ai le fa'amausaliina ma le galueaina o le tamāo'aiga i tausaga o lumana'i.

Fa'amatalaga o Tupe a le Mālō mo Tausaga o Lumana'i

Tala Fa'atatau o le Tupe 2026/27 – 2029/30

E tusa ma aiaiga o le Vaega 18 o le Tulafono mo le Puleaina to Tupe a le Malo 2001, e tu'uina atu ai le Fa'amatalaga o Tupe a le Malo mo le tausaga fa'aletupe 2026/27, fa'apea ma le tolu tausaga fa'aletupe o lumana'i. O le vagea lenei, o lo'o 'oto'oto atu ai le f'aagasologa o auaunaga ma atinae a le Malo mo tausaga oi luma.

Aotelega

O le a fa'aauau le fa'alauteleina o fuafuaga a le Malo i le TF2026/27 e lagolago ai le fa'atinoina o le isi Taiala mo le Lumanai Manuia o Samoa 2026/27 – 2030/31. O le Tala o le Tupe 2026/27 o lo'o ave pea le fa'atāua mo atina'e i le fa'aagava'aina o nu'u ma alalafaga, o le puipuiga lautele, o atina'e e fa'aitiitia ai a'afiaga o le suiga o le tau, si'itia o tomai ma agava'a o le tagata faigaluega, unaia pulega lelei ma tulaga tau fa'amasinoga, si'itia auaunaga a le Malo, fa'apea le vaega o ta'alogā, aganu'u ma le atinaeina o tupulaga talavaou. O lo'o fa'aauau foi fesoasoani a le Malo e Lagolago ai atina'e o pisinisi tumaoti fa'apea vaega lautele e unaia ai le tamaoaiga. O ia fuafuaga uma, ua fa'ata'atia ai le 3.1 pasene, e sili ai tupe fa'aalu nai lo tupe maua, fa'atusa i le tamaoaiga. O le a fa'alagolago foi nei fa'atinoga i tupe maua e aoina i totonu o le atunu'u, o fesoasoani maua mai i Pa'aga fesoasoani mai, o le puleina lelei o le fa'asoa, fa'apea le mataituina o aitalafu a le Malo.

Pusa 4.2: Aotelega o Tupe Maua ma Tupe Alu (miliona talā)

	2025-26	2026-27	2027-28	2028-29	2029-30
TUPE MAUA					
Tupe Maua Masani	866.9	1,008.0	1,068.1	1,078.1	1,093.1
Tupe Faameaalofa	163.8	276.7	233.4	231.3	168.9
Aofaiga o Tupe Maua Masani ma Tupe Faameaalofa	1,030.7	1,284.7	1,301.5	1,309.4	1,262.0
<i>Toese</i>					
TUPE ALU					
Tupe Alu Faale-Tulafono	158.7	161.9	162.0	162.0	162.0
Tupe Alu I Polokalame	921.3	1,090.1	1,097.0	1,081.6	1,081.6
Faagaioiga o Matagaluega	450.5	465.5	554.6	552.7	552.7
Faagaioiga o Faalapotopotoga ma Isi Vaega	143.7	231.9	278.5	276.1	276.1
Galuega e Avea ai ma Sui o le Malo	327.1	392.6	263.9	252.8	252.8
Tupe Alu le Fuafuaina	27.6	32.7	32.9	32.4	32.4
Aofaiga o Tupe Alu	1,107.5	1,284.6	1,291.9	1,276.1	1,276.1
<i>toese</i>					
TUPE ALU MO ATINAE					
Tupe Alu I Atina'e Faatupeina mai Faaunegatupe	0.0	22.1	20.0	30.0	38.8
Tupe Alu I Atina'e Faatupeina I Tupe Faamaealofa	134.0	193.8	200.7	205.0	134.0
Aofaiga o Tupe Alu i Atina'e	134.0	215.9	220.7	235.0	172.8
Aotelega Tupe Faasili/(Tupe Pa'u)	(210.9)	(215.9)	(211.0)	(201.7)	(186.9)
Faatupeina e:					
Faaunegatupe mama e faatupe ai galuega tau atina'e	0.0	41.5	20.0	30.0	38.8
Fesoasoani Tu'usa'o mai e Pa'aga aua le Tala I	132.4	60.0	82.5	68.7	54.9
Tinoitupe (Tupe Pa'u)/Tupe Faasili	(78.5)	(114.4)	(191.0)	(171.7)	(148.1)

Fa'amatalaga: Matagaluega o Tupe

Tupe Maua Masani

O tupe maua masani o loo fuafua e si'itia i le 16.3 pasene, ma fa'amauina i le \$1.008 miliona tala, ma e afua mai i le fa'amalosia atili o auaunaga e unaia ai le mulimulitaia o vaega uma e aoina ai tupe maua, i lalo o fa'amalumuluga a le Matagaluega o Tupe Maua ma le Matagaluega o Tiute. O lea si'itaga o tupe maua o lo'o atagia ai le maualuga o tupe maua mai lafoga fa'apea isi tupe maua, aofia ai ma le 3 pasene o le lafoga i oloa tapa'a, amataina i le aso 1 o Ianuari 2026.

O lo'o fuafuaina e tumau le maualuga o tupe maua i isi tausaga o lumana'i, fa'amauina le \$1,048.1 miliona tala i le TF2027/28 ma le \$1,058.1 miliona tala fa'amauina mo le TF2028/29 ma le TF2029/30.

Tupe Fa'ameaalofa mai Fafo

O lo'o fa'amauina le siitia o tupe fa'ameaalofa mai fafo i le \$276.7 miliona tala mo le TF2026/27. O lo'o atagia ai fesoasoani mo atina'e o lo'o fa'aauau, fa'apea le fesoasoani agai i vaega o malosiaga, ma atina'e tetele. O tupe fa'ameaalofa mai fafo mo tausaga e tolu o lumanai, o lo'o fa'amauina i le maualuga o le aofaiga o le TF2026/27, e faitauina ai atinae o lo'o faaauau, fa'apea isi atina'e amata a le Malo.

Tupe Fa'aalu

O Tupe Fa'aalu mo le TF2026/27 ua fuafuaina i le \$1,284.6 miliona tala, ma e tusa ma le 16 pasene e si'itia ai fa'atusa i le TF2025/26. O lea si'itaga e afua i le fa'alauteleina o polokalame atina'e a le Malo, e aofia ai Atinae o Itumalo, ua si'itia mai le \$91.8 miliona tala i le \$102.0 miliona tala, o le si'itia o Penisiona mo i latou ua 70 tausaga le matutua mai le \$300 tala i le to \$500 tala, o le amatalia o le fesoasoani mo fanau iti amata mai le 0 – 35 masina, fa'apea le fa'atulagana o le fesoasoani e tali atu ai i a'afiaga o tulaga tau malosiaga, e afua mai i le taua i Sasa'e Tutotonu.

O le aofaiga o tupe fa'aalu mo le TF2027/28 o lo'o fuafua e si'itia i le \$1,291.9 miliona tala, ma o lo'o atagia ai polokalame fa'aauau a le Malo mo atina'e tau le soifua manuia, o le si'itia o auaunga, fa'apea isi atinae fa'amuumua a le Malo. O le TF2028/29 ma le TF2029/30 o lo'o fuafua ai le toe fa'aitiitia o tupe fa'aalu a le Malo i le \$1,276.1 miliona tala, i le maea ai o fe'ese'eseaiga faavaomalo i le taimi nei, faapea le fa'amaeaina o isi atinae, ma toe fa'aauau ai fuafuaga i ona tulaga masani.

Tupe Fa'aalu mo Atina'e

O Tupe Fa'aalu mo Atina'e e fa'atupeina i tupe mai pa'aga mo atina'e, o lo'o fuafua e si'itia mai le \$134 miliona tala i le TF2025/26 i le \$215.9 miliona tala i le TF2026/27. O leni si'itaga maualuga, o lo'o atagia ai le fesoasoani fou e tu'uina atu i le vaega maoti o malosiaga ona o lu'itau i a'afiaga i tulaga tau suau'u e mafua mai i fe'ese'eseaiga i Sasa'e Tutotonu. O lo'o fuafua e fa'aitiitia leni aofa'i i le \$220.7 miliona tala i le TF2027/28, \$235 miliona tala i le TF2028/29, ma le \$172.8 miliona tala i le TF2029/30. E atagia ai i ia aofaiga le fa'aauauina o le fa'atinoga o atina'e tetele ma poloketi, fa'apea ma isi o lo'o fuafuaina i tausaga ua ta'ua i luga. Ua fa'amautu e le Malo fesoasoani tau tupe fou mai nisi o ana pa'aga mo atina'e e aofia ai le Faletupe a le Lalolagi, le Faletupe o Atina'e o Asia, Niu Sila, Ausetalia, le Polokalame tau Atina'e a Malo Aufa'atasi, le Fa'alapotopotoga a Malo Aufa'atasi mo Fesoasoani tau Tupe mo Tamaiti, le Fa'alapotopotoga mo Faigafaiva a le Pasefika, ma le Fa'alapotopotoga o Atumotu o le Pasefika. O nei fesoasoani e lagolagoina ai atina'e i vaega maoti o le Soifua Maloloina, A'oa'oga, Si'osi'omaga, Fa'atoaga, Fefa'ataua'iga, Malosi'aga, Fela'ua'iga ma Tupe ua fuafuaina e fa'amaonia ma amata le fa'atinoina i tausaga o i luma.

Aofa'iga Mo'omia Fa'a'unegatupe/Nonogātupe

O le Pusa 4.3 o lo'o fa'ailoa ai le fa'atulagaina o le Tala o le Tupe a le Mālō i lalo o le Auivi o Fa'amaumauga o Tupe tau i le Mālō (GFS), lea o lo'o fa'aaogaina e le tele o Fa'alapotopotoga Tau Tupe a le Lalolagi e fa'atino ai fa'atusatusaga fa'avāomālō.

Pusa 4.3: Fa'amatalaga o Tupe a le Mālō

GAIOIGA E AAFIA AI MEATOTINO	2025-26	2026-27	2027-28	2028-29	2029-30
TUPE MAUA	941.7	1,188.2	1,215.1	1,226.2	1,178.8
Lafoga	664.0	810.3	880.4	893.6	908.6
Tupe Faameaalofa	163.8	276.7	233.4	231.3	168.9
Isi Tupe Maua	113.9	101.2	101.3	101.3	101.3
TUPE ALU	935.0	1,109.5	1,128.2	1,122.3	1,116.1
Faamanuiaga ma totogi mo tagata faigaluega	351.4	352.3	352.7	350.8	350.8
Faaaogaina o oloa ma auaunaga	158.9	284.9	364.5	382.9	376.7
Tului	9.5	8.4	8.4	8.4	8.4
Tupe Faamatuu Atu Faameaalofa	28.5	28.0	28.0	28.0	28.0
Tupe Faameaalofa	310.7	340.1	278.8	276.5	276.5
Faamanuiaga mo le Soifua Manuia	70.3	90.9	90.9	70.9	70.9
Isi Tupe Alu	5.6	4.8	4.8	4.8	4.8
PALENI O TUPE MAUA MA TUPE ALU	6.7	78.7	86.9	103.9	62.7
AOFAIGA O MEATOTINO E LE O NI TINOITUPE	131.7	203.6	207.0	214.6	158.6
Aseta Tumau	122.7	198.9	202.2	212.1	156.1
Aseta e le Gaosia	9.0	4.8	4.8	2.5	2.5
AOFAIGA MOOMIA FAAUNEGATUPE/NONOGATUPE	-125.0	-124.9	-120.1	-110.7	-95.9
AOTELEGA O MEATOTINO MA NOATAGA	-125.0	-124.7	-120.1	-110.7	-95.9
SUIGA I MEATOTINO O ASETA TAU TUPE	-213.4	-117.0	-111.3	-105.8	-96.0
ESESEGA O TUPE TOTOGI MO AITALAFU	-88.3	7.7	8.7	4.9	-0.1

Fa'amatalaga: Matagaluega o Tupe

O fuafuaga faataatitia uma a le Malo e pei ona faailoa atu i luga o loo auiliiliina atu i lalo lona vaevaega

TUPE MAUA

O le au'ili'iliina o tupe maua a le Mālō i le mae'a ai o le to'esea o lafoga toe totogi atu, o lo'o tu'uina atu i le Pusa 4.4:

Pusa 4.4: Fa'amatalaga o Tupe Maua

	2025-26	2026-27	2027-28	2028-29	2029-30
TUPE MAUA	941.7	1,188.2	1,215.1	1,226.2	1,178.8
Lafoga	664.0	810.3	880.4	893.6	908.6
Lafoga o totogi, tupe faasili ma tupe faavae	149.4	211.6	231.6	241.6	241.6
Lafoga o tagata taitoatasi	92.7	108.6	108.6	108.6	108.6
Lafoga totogi e faalapotopotoga ma isi Kamupani*	56.7	103.0	123.0	133.0	133.0
Lafoga o Aseta Tumau	0.5	0.5	0.5	0.5	0.5
Lafoga o Oloa ma Auaunaga	425.2	495.1	545.2	548.4	563.4
Lafoga lautele o oloa ma auaunaga*	232.9	274.0	304.0	307.3	322.3
Lafoga o Oloa	232.9	274.0	304.0	307.3	322.3
Tiute Faaopoopo (Excise)*	176.9	202.8	222.8	222.8	222.8
Lafoga o auaunaga faapitoa	15.0	18.0	18.0	18.0	18.0
Lafoga o le faaaogaina ma le faatagaina ona faaoga oloa	0.44	0.40	0.4	0.4	0.4
Motor vehicles taxes	0.0	0.0	0.0	0.0	0.0
Other	0.44	0.40	0.4	0.4	0.4
Other taxes on goods and services	0.0	0.0	0.0	0.0	0.0
Lafoga o fefaatauaiga ma atunuu i fafo	88.9	103.2	103.2	103.2	103.2
Tiute ma isi lafoga	88.9	103.2	103.2	103.2	103.2
Tupe Faameaalofa	163.8	276.7	233.4	231.3	168.9
Tupe Faameaalofa mai Malo i Fafo	163.8	276.7	233.4	231.3	168.9
Masani	42.2	99.8	52.8	46.8	47.5
Faavae	121.6	176.9	180.6	184.5	121.4
Isi Tupe Maua	113.9	101.2	101.3	101.3	101.3
Tupe Maua mai Aseta a le Malo	61.8	47.2	47.2	47.2	47.2
Tului	3.0	0.5	0.5	0.5	0.5
Faamanuiaga maua mai Faalapotopotoga	52.0	39.2	39.2	39.2	39.2
Tupe Maua mai Fale Mautotogi a le Malo	6.8	7.4	7.4	7.4	7.4
Tupe Maua mai Faatauina o oloa ma auaunaga	35.6	33.5	33.5	33.5	33.5
Tupe Alu mo le faagaioiga o auaunaga	4.8	4.7	4.7	4.7	4.7
Tupe faaola mai isi vaega i le Malo	30.8	28.8	28.8	28.8	28.8
Tupe Maua mai Faasalaga ma le tuai ona totogi	16.4	20.5	20.5	20.5	20.5

Fa'amatalaga: Matagaluega o Tupe

Tupe Maua mai i Lafoga

O le si'itaga ua fuafuaina mo tupe maua mai lafoga e afua mai i si'itaga o tupe maua ua fuafuaina a le Matagaluega o Tupe Maua ma le Matagaluega o Tiute, ina ua mae'a le vavaeina o matagaluega e lua, lea ua fa'amalosia ai le va'aiga taula'i i galuega fa'afoe ma le lelei o le aoina o lafoga. O lea si'itaga o loo atagia ai foi le a'afiaga o le tolu pasene (3%) o le a si'itia ai lafoga o oloa gaosi i totonu o le atunu'u, aemaise i tapa'a, lea o le a amata fa'amamaluina i le aso 01 Ianuari 2027.

E tusa ai ma le ta'atiaga o fuafuaga mo tupe maua, o loo iai se va'aiga mamao e fa'aauau ai pea le si'itia o tupe maua mai lafoga i le TF2027/28 ma le TF2028/29, a o le i fa'aitiitia i le TF2029/2030.

Tupe Fa'ameaalofa mai Pa'aga mo Atina'e

O le si'itia o tupe fa'ameaalofa i le TF2026/27 o loo atagia ai fesoasoani mai Pa'aga mo Atina'e mo le tali atu i le lamatiaga tau malosiaga o loo a'afia ai le lalolagi i le taimi nei. E le gata i lea, o le fa'aauauina o fuafuaga autu mo le atina'eina o vaega maoti, fa'apea le lagolago lautele mo le tala o le tupe. O loo fuafuaina e fa'aitiitia tupe fa'ameaalofa i le \$233.4 miliona talā i le TF2027/28, \$231.3 miliona talā i le TF2028/29, seia pā'ia le \$168.9 miliona talā i le TF2029/30, ona o le fa'amoemoe o le a mae'a galuega tetele o loo fa'atupe mai fafo fa'apea galuega tau atina'e o loo i totonu o fuafuaga o atina'e tetele a le Malo.

I le isi itu, o loo fuafuaina e tumau pea le mautu o tupe maua mai aseta a le Malo ma tupe maua mai fa'atauina o oloa ma auaunaga i le TF2026/27 se'ia oo i le TF2029.

Tupe Maua e Ese Mai i Lafoga (Tupe Totogi Fuapauina mo Auaunaga)

O tupe maua e ese mai lafoga, e aofia ai tupe maua mai aseta a le Malo, fa'asalaga ma le tuai ona totogi, fa'apea tupe maua mai fa'atauina o oloa ma auaunaga o loo fuafuaina e fa'atumauina mai le TF2026/27 se'ia oo i le TF2029/30, ma o loo atagia ai tulaga lelei o le aoina o tupe maua fa'apea le tamao'aiga i le taimi feololo (medium term).

TUPE FA'AALU

O le Pusa 4.5 o lo'o folasia ai le au'ili'iliina o tupe alu a le Mālō ua fuafuaina mo tausaga lumana'i, ma e lē o aofia ai fefa'ataua'iga i le vā o Matāgaluega a le Mālō.

Pusa 4.5: Fa'amatalaga o Tupe Alu

TUPE ALU (\$m)	2025-26	2026-27	2027-28	2028-29	2029-30
TUPE ALU	935.0	1,109.5	1,128.2	1,122.3	1,116.1
Faamanuiaga mo Tagata Faigaluega	351.4	352.3	352.7	350.8	350.8
Tupe Totogi	318.6	319.3	319.5	317.7	317.7
Totogi - tinoitupe	318.5	319.2	319.5	317.6	317.6
Totogi - faameaalofa	0.06	0.06	0.06	0.06	0.06
Isi Faamanuiaga	32.8	33.0	33.2	33.1	33.1
Actual social contributions	32.8	33.0	33.2	33.1	33.1
Faaogaina o Oloa ma Auaunaga	158.9	284.9	364.5	382.9	376.7
Tului	9.5	8.4	8.4	8.4	8.4
Mo i latou e le o ni tagata- nuu Samoa	9.2	8.1	8.1	8.1	8.1
Mo tagata-nuu e le aofia ai le Malo	0.3	0.3	0.3	0.3	0.3
Tupe Faamatuu Atu Faameaalofa	28.5	28.0	28.0	28.0	28.0
Faalapotopotoga a le Malo	28.5	28.0	28.0	28.0	28.0
Tupe Faameaalofa	310.7	340.1	278.8	276.5	276.5
Faamanuiaga mo le Soifua Manuia	70.3	90.9	90.9	70.9	70.9
Faamanuiaga fesoasoani tupe	69.9	90.5	90.5	70.5	70.5
Faamanuiaga mo Fale Faigaluega	0.4	0.4	0.4	0.4	0.4
Isi Tupe Alu	5.6	4.8	4.8	4.8	4.8

Fa'amatalaga: Matagaluega o Tupe

Fa'amanuiaga mo Tagata Faigaluega

E pei ona fa'ailoa atu i le Pusa 4.5 i luga, le fuafuaga ole siitia o faamanuiaga mo tagata faigaluega a le Malo ile \$352.3 miliona tala mo le Tausaga Faaletupe 2026/27 pe a fua ile Tausaga Faaletupe 2025/26. O lenei siitaga o loo atagia ai le toe fetuunaiga o totogi o fomai ma tausii mai ile maea ai o le iloiloga a le Komisi o Galuega a le Malo, tagata faaopoopo moomia mo le Matagaluega fou o le Faigafaiva ma Punaoa o le Gataifale aemaise o faamanuiaga e agavaa ai tagata faigaluega i totonu o le Tausaga Faaletupe.

O loo maitauina foi le toe siitia o faamanuiaga mo tagata faigaluega ile Tausaga Faaletupe 2027/28, ona tumau ai lea ile faasolo atu ile Tausaga Faaletupe 2028/29 ma Tausaga Faaletupe 2029/30, e atagia ai le faamaeaina o le totogiina o nisi o faamanuiaga mo tagata faigaluega ma faatumauina ai i isi Tausaga Faaletupe o lumanai.

Fa'aaogaina o Oloa ma Auaunaga

O le Fa'aaogaina o Oloa ma Auaunaga, o lo'o fuafuaina e tusa lea ma le \$284.9 miliona talā mo le fa'atupeina o galuega faatino uma a le Mālō, e aofia ai ma le fa'atauina o oloa ma auaunaga, fa'atupeina o galuega fa'aleleia, fa'apea ma le ūna'ia o pulega lelei i Matagaluega ma Faalapotopotoga uma a le Malo.

O loo maitauina foi le siitia maualuga o le vaegatupe mo le faaaogaina o oloa ma auaunaga i Tausaga Faaletupe o lumanai ona o faatupulaia pea o galuega faatino e auala mai ile faatupulaia o Matagaluega ma Faalapotopotoga a le Malo ma e ono siitia ai manaoga mo le faaaogaina o nei auaunaga.

Polokalame Fa'amāmā Avega a le Mālō

O polokalame faamama avega a le Malo e tusa lea ma le \$28.0 miliona tala mo le Tausaga Faaletupe 2026/27, e atagia ai le faaauauina pea o le lagolagosua a le malo i matafaioi e pei o aoaoga e ala i ana polokalame fesoasoani e pei ona iai le One Government Grant, ae le gata i lea o fesoasoani lautele (Community Service Obligation) o loo tuuina atu i tagata nuu o Samoa e taua mai i Faalapotopotoga o Malosiga Faaletise ma le Pulega o Suavai.

Ua iai foi le fuafuaga e tumau pea lenei polokalame i Tausaga Faaletupe o lumanai e atagia ai le faaauau pea ona faatino galuega fesoasoani a le Malo e tuuina atu i le atunuu

Tupe Fa'amatu'u atu Fa'ameaalofa

O loo iai le fuafuaga e siitia maualuga tupe faamatuu atu faameaalofa ile \$340.1 miliona tala ile Tausaga Faaletupe 2026/27, e atagia tupe faameaalofa faaopoopo tuuina atu i Faalapotopotoga Tumaotia ale Malo ona o le faavaeina o le Faalapotopotoga fou ua taua o le Pulega mo le Atinae o Itumalo, e le gata i lea, ua faaopoopoina ma le lagolagosua a le Malo i atinae a itumalo. Ua iai foi le fuafuaga e ono pau tupe faameaalofa i tausaga faaletupe o lumanai ona o le naunau o le Malo ina ia gafatia lava e Faalapotopotoga a le Malo ona faatino a latou atinae.

ESESEGA O MEATŌTINO MA NOATAGA

O le eseese o meatōtino ma noataga a le Mālō o lo'o fuafua e si'itia i le TF2026/27, ona toe fesuisuia'i lea i tausaga fa'aletupe e tolu o lumana'i. O nei fesuisuia'iga o lo'o atagia ai le fesuisuia'iga o le mauaina o aseta tau tupe ma aseta e le o ni tupe, o lo'o a'afia i le taimi o fesaosoani mai Pa'aga, le tele o tupe fesoasoani, fa'apea le fa'atinoina o atina'e o loo fa'atupe atoa mai fafo i tausaga fa'aletupe o lo'o lumana'i.

Pusa 4.6: Fa'amatalaga o Meatotino ma Noataga (miliona talā)

FAAMATALAGA O MEATOTINO MA NOATAGA	2025-26	2026-27	2027-28	2028-29	2029-30
SUIGA I LE AOFAIGA O MEATOTINO: GAIOIGA	6.7	78.9	86.9	103.9	62.7
Gaioiga o Meatotino Umia e le o ni Tinoitupe	131.7	203.6	207.0	214.6	158.6
Meatotino Tumau	122.7	198.9	202.2	212.1	156.1
Maota ma Fale Tetele	119.6	197.5	201.4	211.3	155.3
Masini Tetele ma Masini Faigaluega	2.4	0.6	0.0	0.0	0.0
Isi Aseta Tumau	0.8	0.8	0.8	0.8	0.8
Meatotino e le Gaosia	9.0	4.8	4.8	2.5	2.5
Eleele	9.0	4.8	4.8	2.5	2.5
Gaioiga o Meatotino o Tinoitupe	-213.4	-117.0	-111.3	-105.8	-96.0
Tupe Taamilo ma tupe teu	-210.9	-114.2	-108.5	-103.0	-93.2
Nonogatupe	-2.5	-2.8	-2.8	-2.8	-2.8
Totonu o le Atunuu	-81.0	-57.0	-111.3	-105.8	-96.0
Tupe Taamilo ma tupe teu	-78.5	-54.2	-108.5	-103.0	-93.2
Nonogatupe	-2.5	-2.8	-2.8	-2.8	-2.8
Fafo atu o le Atunuu	-132.4	-60.0	0.0	0.0	0.0
Gaioiga o Noataga	-88.3	7.7	8.7	4.9	-0.1
Nonogatupe	-87.1	7.7	8.7	4.9	-0.1
Isi Noataga	-1.2	0.0	0.0	0.0	0.0
Totonu o le Atunuu	-10.5	-14.3	-14.3	-14.3	-14.3
Loans	-9.3	-14.3	-14.3	-14.3	-14.3
Fafo atu o le Atunuu	-77.9	22.0	23.0	19.2	14.2

Fa'amatalaga: Matagaluega o Tupe

FA'ATULAGAINA O LE TALA O LE TUPE IA ŌGATASI MA LE AUIVI O FA'AMAUMAUGA O TUPE A LE MĀLŌ (GFS)

O fa'amatalaga o lo'o tu'uina atu i le Pusa 4.7 ma le 4.8, o lo'o auina atu ai le fa'atusatusaga o tupe fa'atatauina a le Mālō i le Pusa 4.2 ma Fa'amaumauga o Tupe a le Mālō (GFS). O eseesega i tupe maua e aofia ai fefa'ataua'iga i le vā o Matagaluega a le Mālō e pei ona fa'ailoa atu i le Pusa 4.6. O eseesega i tupe fa'aalu o lo'o fa'ailoa atu i le Pusa 4.2 ma le Pusa 4.7, o fetu'una'iga o aseta tau tupe ma noataga fa'apea tupe fa'aalu i le vā o Matagaluega.

Pusa 4.7: Fa'atulagana o Tupe Maua a le Mālō ia ōgatasi ma le GFS (miona talā)

	2025-26	2026-27	2027-28	2028-29	2029-30
Tupe Maua					
Tupe Maua Masani	866.9	1008.0	1068.1	1078.1	1093.1
Tupe Faameaalofa	163.8	276.7	233.4	231.3	168.9
Aofaiga o Tupe Maua ma Tupe Faameaalofa	1030.7	1284.7	1301.5	1309.4	1262.0
<i>Toese</i>					
Tupe Maua mai e toe Faapaleni i Tupe Faaaluina					
Totogiina e Matagaluega tupe mo le faaogaina o le Fale o le Malo mo Ofisa	3.2	3.2	3.2	3.2	3.2
Totogi o oloa e le o faatulagaina i lalo o ni faiga faapisinisi	0.7	0.7	0.7	0.7	0.7
	3.9	3.9	3.9	3.9	3.9
Tupe Faaaluina e toe Faapaleni i Tupe Maua					
Tupe toe faaalaina mai Lafoga mo Totogi	10.0	10.0	10.0	10.0	10.0
Tiute e toe Faafoi ma Tiute e Totogi e Matagaluega a le Malo VAGST e toe Faafoi ma VAGST e totogiina e Matagaluega a le Malo	7.5	5.5	5.5	5.5	5.5
	65.1	74.3	64.2	61.0	61.0
	82.6	89.8	79.7	76.5	76.5
Tupe Maua faatulagaina i Gaioga o Meatotino o Tinoitupe					
Tupe Alu Mai Nonogatupe tuuina atu i isi Faalapotopotoga	2.5	2.8	2.8	2.8	2.8
	2.5	2.8	2.8	2.8	2.8
AOFAIGA O TUPE MAUA FAAAOGAINA AI LE GFS (e tusa ai ma le Ata Faasolo 3)	941.7	1188.2	1215.1	1226.2	1178.8

Fa'amatalaga: Matagaluega o Tupe

Pusa 4.8: Fa'atulagana o le Aotelega o Tupe Totogi ia ōgatasi ma le GFS (miliona talā)

	2025-26	2026-27	2027-28	2028-29	2029-30
TUPE ALU					
Tupe Alu I Polokalame	158.7	161.9	162.0	162.0	162.0
Faagaioiga o Matagaluega					
Faagaioiga o Faalapotopotoga ma Isi Vaega	450.5	465.5	554.6	552.7	552.7
Galuega e Avea ai ma Sui o le Malo	143.7	231.9	278.5	276.1	276.1
Tupe Faaalu le Fuafuaina	327.1	392.6	263.9	252.8	252.8
Tupe le Fuafuaina	27.6	32.7	32.9	32.4	32.4
AOFAIGA O TUPE ALU	1107.5	1284.6	1291.9	1276.1	1276.1
TUPE ALU I ATINA'E					
Tupe Alu i Atina'e Faatupeina I Tupe Faamaealofa	0.0	22.1	20.0	30.0	38.8
Aofaiga o Tupe Alu i Atina'e	134.0	193.8	200.7	205.0	134.0
Aofaiga Tupe Alu i Atina'e	134.0	215.9	220.7	235.0	172.8
TUPE ALU I LE AOTELEGA	1241.5	1500.6	1512.6	1511.1	1448.9
<i>Toese</i>					
Tupe Alu e faapaleni i tupe toe maua mai					
Tupe toe faaolaina mai Lafoga mo Totogi	10.0	10.0	10.0	10.0	10.0
Tiute e toe Faafoi ma Tiute e Totogi e Matagaluega a le Malo	7.5	5.5	5.5	5.5	5.5
VAGST e toe Faafoi ma VAGST e totogiina e Matagaluega a le Malo	65.1	74.3	64.2	61.0	61.0
	82.6	89.8	79.7	76.5	76.5
Tupe Maua e faapaleni ai Tupe Faaalu					
Tupe totogi e Matagaluega mo le faaaogaina o Fale a le Malo	3.2	3.2	3.2	3.2	3.2
Totogi o oloa e le o faatulagaina i lalo o ni faiga faapisinisi	0.7	0.7	0.7	0.7	0.7
	3.9	3.9	3.9	3.9	3.9
Tupe Alu faatulagaina o Gaioiga o Meatotino e le o ni Tinoitupe					
Meatotino Tumau					
Maota ma Fale Tetele	119.6	197.5	201.4	211.3	155.3
Masini Tetele ma Masini Faigaluega	2.4	0.6	0.0	0.0	0.0
Isi Aseta Tumau	0.8	0.8	0.8	0.8	0.8
	122.7	198.9	202.2	212.1	156.1
Meatotino e le Gaosia					
Eleele	9.0	4.8	4.8	2.5	2.5
	131.7	203.6	207.0	214.6	158.6
Tupe Alu faatulagaina I Gaioiga o Meatotino o Tinoitupe ma Noataga					
Aofaiga o Meatotino					
Totonu o le atunuu	9.3	14.3	14.3	14.3	14.3
Faava-o-malo	77.9	79.5	79.5	79.5	79.5
	88.3	93.8	93.8	93.8	93.8
AOFAIGA I FAAMATALAGA O TUPE ALU FAATULAGAINA I LE					
GFS (e tusa ai ma le Ata Faasolo 4)	935.0	1109.5	1128.2	1122.3	1116.1

Fa'amatalaga: Matagaluega o Tupe

5. Lu'itau i le Tala o le Tupe a le Mālō

O lu'itau autu mo le Mālō o Samoa e aofia ai lu'itau i le tamāo'āiga, lu'itau o Nonōgatupe aemaise i Fa'alapotopotoga a le Mālō, fa'apea lu'itau tau si'osi'omaga e afua mai i fa'alavelave fa'afuase'i ma suiga o le tau e iai a'afiaga tetele i le tamāo'āiga ma tulaga tau tupe a le Mālō.


O lo'o fa'atumauiina pea lamatiaga i le tala o le tupe a le Mālō i se tulaga e tutusa ai fa'atinoga fa'alotoifale ma le maualuga o le lē mautonu o le tamāo'āiga i atunu'u i fafo. I tulaga lelei, o le fa'atupulaia o tupe fa'aalu a le Mālō, atina'e tetele, tupe fa'amomoli mai fafo, le toe fa'aleleia o vaega o tagata tafafao maimoa, ma suiga i faiga fa'avae o loo fa'aauuina pea, e ono mafaia ai ona fa'amalosia manaoga i le lotoifale ma fa'aleleia ai le tamaoiaiga i ni tausaga lata mai.

Peitai, o lo'o tumau pea le maualuga o tulaga fa'aletonu, aemaise lava i afuaga mai atunu'u i fafo e pei o feese'eseaiga fa'avaomalō, siitia o le tau o le suau'u ma isi oloa i le lalolagi, le tu'uitiitia o manaoga mai fafo mo a tatou oloa ma auunaga, ma a'afiaga i le fefa'atauaiga ma fela'uaiga o oloa. O luitau i totonu o le atunu'u, e aofia ai le tuai o le fa'atinoina o poloketi, toaitiiti tagata faigaluega ma le 'uti'uti o tomai, e ono fa'aitiitia ai le lelei o le fuafuaina o tupe fa'aalu a le Mālō. E le gata i lea, o tulaga ma'ale'ale o fa'alavelavega i Feso'otaiga i Tulaga Fa'aletupe, le fa'aitiitia o oloa auina atu i fafo, ma le maualuga o a'afiaga i suiga o le tau.

Mo le fa'aitiitia o nei lamatiaga, o le a fa'auua pea le puleaina lelei o tupe fa'aalu a le Mālō, fa'amausaliina o fuafuaga mo le tala o le tupe, ma le ave o le fa'amuumua i le atina'e e lagolagoina ai le gafataulimaina ma le mausali o le tamāo'āiga.

Lu'itau i le Tamāo'āiga

Siata 4.1: Va'aiga Mamao i le Fa'atupula'ia o le Tamāo'āiga ma le 95% o le Alāfua Mautonu



Fa'amatalaga: Mataalua o Tupe (FRAT and SERF Model)

tau tupe a le Mālō.

Tamāo'āiga


Fa'atulagaina

O le fuafuaga o le Tala Fa'atatau o le Tupe e fa'amoemoe lea i su'esu'ega fa'avae o le tamāo'āiga. O lenei vaega e patino i lu'itau tau tamāo'āiga i le lotoifale fa'apea isi tulaga i fafo atu. O nei lu'itau e ono tula'i mai ai ni eseese i numera sa fuafuaina ma taunu'uga sa fa'amauiina mo tulaga

I le mae'a ai o le 4.2 pasene o le fa'atupulaia o le tamāo'āiga sa fa'amauina i le TF2024/25, ua fuafuaina e si'itia i le 2.8 pasene i le TF2025/26, ona si'itia i le 3.0 pasene i le TF2026/27 ma le TF2027/28. O lo'o fuafua e si'itia le tamāo'āiga i le 3.1 pasene i le TF2028/29. E ui i lenei vaaiga taulai, o lo'o iai pea lu'itau e ono sala ese ai le taunu'uga nai lo'o le tulaga sa fuafuaina e fa'atupula'ia ai le tamāo'āiga mo le lumana'i. E pei ona atagia i le Siata 4.1, o lo'o maitauina ai pea lu'itau e ono fa'alauteleina ai le lē mautonu mo fuafuaga tau tupe a le Mālō.

Tupe Maua

Siata 4.2: Va'aiga Mamao i le Fa'atupula'ia o Tupe Maua ma le 95% o le Alāfua Mautonu



Fa'amatalaga: Matagaluega o Tupe (FRAT and SERF Model)


tupe maua e aofia ai le fa'atupulaia o tagata tafafao maimoa, le vave fa'amatu'u o tupe fa'ameaalofa mai pa'aga, fa'apea ma le si'itia o tupe fa'amomoli mai fafo lea e mafai ona si'itia ai le aoina o tupe maua mai lafoga. Ae o tulaga fa'aletonu (downside risks) e ono tula'i mai i a'afiaga e pei o le tu'uititia o manaoga mai fafo mo a tatou oloa ma auunaga, o le tuai ona fa'amatu'u mai o fesoasoani mai fafo, fa'apea fo'i ma le fa'aititia o oloa auina mai fafo.

O tupe maua a le Mālō e aofia ai lafoga, tupe fa'ameaalofa, ma isi ituaiga tupe maua e matuā ma'ale'ale lona tulaga i le ono a'afia ai i suiga tetele i le tulaga tau tamāo'āiga. O tupe maua a le Mālō ua fuafuaina e tusa ma le 24.8 pasene ma le 29.6 pasene o le tamāo'āiga mo le TF2025/26 ma le TF2026/27.

O tulaga lelei (upside risks) e ono si'itia ai

Tupe Fa'aalu

Siata 4.3: Va'aiga Mamao i le Fa'atupula'ia o Tupe Fa'aalu ma le 95% o le Alāfua Mautonu



Fa'amatalaga: Matagaluega o Tupe (FRAT and SERF Model)



O taunu'uga i Tupe Fa'aalu, ua fuafuaina e si'itia i se taimi lata mai e lagolagoina ai atiina'e ua ave iai le fa'amuamua a le Mālō, a'o le'i toe fa'aitiitia malie i tausaga i luma e tusa ai ma le fetuna'iga o tupe fa'aalu a le Mālō, ma le fa'atupulaia pea o le tamāo'āiga i lona tulaga fa'atulagaina.

E ono a'afia tupe fa'aalu a le Mālō i tulaga fa'atautu i le fa'atinoina o poloketi tetele. E lē gata i lea, o

lu'itau i le fa'atinoga o galuega ma le utiuti o le au faigaluega atoa ai ma tomai ma agava'a e fa'atinoina ai nei poloketi, aemaise i tupe fa'aalu mo fefa'ataua'iga o aseta, e ono tuai ai ona ausia taunu'uga mo atina'e ma fa'aitiitia ai le lelei o faigafa'avae o fuafuaga mo tupe fa'aalu a le Mālō.

Iloiloga i Tala o le Tupe a le Mālō: Tulaga i Va'aiga Taula'i

Siata 4.3: Va'aiga taula'i mo Tupe Fa'aalu ma Tupe Maua.



Fa'amatalaga: Matagaluega o Tupe

Tupe Fa'aalu ma Tupe Maua a le Mālō


O le iloiloga o fuafuaga ma taunu'uga ua fa'amauina mai le TF2023 i le TF2026 o loo mata'ituina ai tulaga masani o le maualalo o tupe maua fuafuaina a le Mālō, ae o lo'o fa'atupulaia pea le maualalo o tupe fa'aalu fuafuaina.

I tausaga talu ai, na fa'amauina ai le maualuga o tupe maua mai tulaga sa fuafuaina, o lo'o atagia ai le malosi o le tamāo'āiga ma le tele o fesoasoani tau tupe mai paaga mo atiinae. Peita'i, sa lei ausia le fa'aogaina o tupe fa'aalu mo fuafuaga sa fa'ataatia, ona o lu'itau i le fa'atinoina o galuega ma poloketi.

O nei tulaga ua afua ai le pa'ū o nonogatupe a le Mālō, fa'atasi ai ma le siitia o le tamāo'āiga, ma fa'aitiitia ai le fua fa'atatau o aitalafu a le Mālō i le tamāo'āiga. O loo atagia mai ai le tāua o le fa'aleleia atili o le fa'atinoina o tupe fa'aalu ma le mautinoa e o gatasi tulaga o tupe faaalu fuafuaina ma le tulaga gafatia mo le fa'atinoga o galuega ma atina'e.

Nōnōgatupe a le Mālō

Siata 4.4: Va'aiga taula'i mo Nōnōgatupe a le Mālō (% o le Tamāo'āiga)



Fa'amatalaga: Matāgaluega o Tupe

O le tapula'a mo le aofa'iga o nōnōgatupe a le Mālō o lo'o fa'atūmauina i le 50 pasene o le tamāo'āiga. O le fa'aiuga o le TF2025/2026, o lo'o fuafua e fa'amauina ai le 18.2 pasene le tulaga o nonōgatupe i le tamāo'āiga ma o lo'o fa'atūmauina pea i lalo o le tapula'a. O tausaga fa'aletupe o lumana'i, o lo'o fuafua e tu'uitiitia atili le pasene e tusa lea ma le 16.2 pasene i le

TF2026/27, 14.1 pasene i le TF2027/28, ma le 12.7 pasene i le TF2028/29.

O le aofa'iga o tupe totogi i nōnōgatupe mo le TF2025/26 e tusa lea ma le \$90.3 miliona talā, o se fa'aitiitiga mai le \$94.7 miliona talā i le TF2024/25.

O le pa'ū o aofa'iga o tupe totogi i nōnōgatupe ua fa'aitiitia ai tupe fa'aalu a le Mālō ma lagolagoina ai le fa'asoasoa atu o alagatupe mo atina'e a le Mālō. Peita'i, o le ono si'itia o le tau mo le fesuaiga o tupe o lo'o aveva ma lu'itau autū i aitalafu a le Mālō, ona e tusa ma le 93.2 pasene o le aofa'i o aitalafu a le Mālō o lo'o fa'amauina i tupe a atunu'u i fafo. I le fa'ai'uga o le TF2024/25, o aitalafu e ono totogi i totonu o le tausaga e tasi, e tusa ma le 5.2 pasene o tupe fa'aagaga i atunu'u i fafo.

O lu'itau mo le toe fa'atupeina o aitalafu ma suiga mai tupe tului o lo'o fa'atumauiina pea i tulaga maualalo, ma o taimi fa'atulagaina e muta ai le totogiina o aitalafu (Average Time to Maturity) ma le taimi fa'atulagaina e toe fetu'una'i ai tupe tului (Average Time to Refixing) e tusa ma le iva tausaga. E na o le 10 pasene le aofa'i o aitalafu o lo'o tatau ona toe totogiina pe toe fetu'unai i totonu o le tausaga e tasi. E itiiti le a'afiaga o aitalafu i suiga o tupe tului, ona o le tele o aitalafu o lo'o fa'aogaina tupe tului fa'atumauiina.

O lu'itau tau aitalafu o lo'o avea pea ma tulaga e a'afia ai tupe fa'aalu a le Mālō, aemaise i le nonōgatupe e fa'amaonia e le Mālō ma nōnōgatupe a le Mālō e toe nonō atu i Fa'alapotopotoga. O le iloiloga o lu'itau tau aitalafu a Fa'alapotopotoga a le Mālō sa fa'atinoaina, ina ia mata'ituina ai le toe totogiina o aitalafu, fa'ailoa ai tulaga e ono a'afia ai tupe a le Mālō, ma fesoasoani i le puleaina o nōnōgatupe a Fa'alapotopotoga a le Mālō.

I lona aotelega, o lo'o mata'ituina ai le gafataulimaina pea o Nōnōgatupe a le Mālō mo tausaga fa'aletupe lata mai, ma e leo iai se fuafuaga e ono sili atu mai le tapula'a ua fa'ata'atia i faiga fa'avae.

Tulaga o Nonōgātupe a Fa'alapotopotoga a le Mālō

Fa'alapotopotoga Tau Fefa'atauaiga a le Mālō (Public Trading Bodies)

O iloiloga o lu'itau mo Fa'alapotopotoga Tau Fefa'atauaiga e sefulutolu a le Mālō, o lo'o atagia ai lamatiaga tau tupe mo ni fa'alapotopotoga. O le Pulega o Malaeva'alele (SAA) o loo fa'aauau pea le maualuga o lu'itau i aitalafu mai vaegatupe tetele, o lo'o atagia ai lu'itau mo tulaga o mea tau tupe (liquidity and returns). O lenei tulaga e fa'aalia ai le tāua o le fa'amua o galuega fa'atino, fa'aleleia o pulega fa'apisinisi, ma le fa'aeteete i fuafuaga tau tupe teufa'afaigaluega ina ia mautinoa ai le gafataulimaina o galuega mo le lumana'i. O le Faletupe o Atina'e (DBS) o lo'o telē le a'afiaga tau tupe mo le Mālō ona o ana aitalafu tetele, ma le tāua o le fa'amautuina o le puleaina lelei o ana nōnōgatupe.

E ui ina fa'aitiitia tulaga tau aitalafu a le Ofisa o Tausi Mavaega (PTO), ae o lo'o iai pea a'afiaga e afua mai i le natura o ana tiute tau tausiga, ma le puleaina o meatotino ma tupe mo le soifua lautele. O le Pulega o Suavai (SWA) ma le Fa'alapotopotoga o Malosi'aga tau Eletise (EPC) o lo'o fa'atumauiina pea le maualuga o tulaga tau aitalafu ona o le tele o galuega fa'atino e mo'omia ai aseta ma masini tetele.

I lona aotelega, o lo'o fa'aauau pea le mata'ituina ma le silasila toto'a a le Mālō mo le Pulega o Malaeva'alele (SAA) ma le Faletupe o Atina'e (DBS) mai lu'itau ua iloiloaina. O lo'o tulimata'i pea le fa'aleleia o galuega fa'atino, puleaina lelei o aseta, ma le gafataulimaina o tulaga tau tupe mo nei fa'alapotopotoga.

Fa'alapotopotoga So'oso'otauau (Mutual Bodies)

O nei Fa'alapotopotoga o loo fa'atumauina pea le fa'aititita o aitalafu ma le mautu o tulaga tau tupe. O le Fa'alapotopotoga o Fa'aputugatupe mo le Lumanai Manuia o Tagata Samoa (SNPF) o loo fa'atulaga i le vaega e itiiti lamatiaga, e afua mai i le fa'aauauina ma le mausali o saofaga a ona sui auai. I le isi itu, o lo'o fa'atulaga i le vaega e feololo ona lamatiaga le Fa'alapotopotoga o Inisua a Samoa (SLAC), ona o ana galuega fa'atino ma tulaga tau tupe e mo'omia ai.

O lo'o fa'aauau pea le mata'ituina o nei fa'alapotopotoga auā le gafataulimaina o galuega tau tupe, fa'atumauina o tulaga mo tupe fa'aleoleo, ma fa'amautinoa le fa'atinoina o a latou matafaioi i le lumana'i.

Lamatiaga i Suiga o le Tau ma Mala Fa'alēnatura

O Samoa e matua'i a'afia lava i lamatiaga fa'alēnatura ma a'afiaga ogaoga o suiga o le tau, ona o lona tulaga i totonu o le itu o le Pasefika e masani ona a'afia i afā malolosi, fa'apea le telē o lona fa'alagolago i vaega o le tamāo'āiga e maaleale i suiga o le tau e pei o Faigafā'atoaga, Faigafaiva, ma Tagata Tafafao Maimoa. O lo'o feagai pea le atunu'u ma le tele o tulaga lamatia e aofia ai afā malolosi, lōlōga ma lāmala, fa'apea foi ma a'afiaga ogaoga o le suiga o le tau e pei o le si'isi'i o le tai, soloia o le gataifale, ma le fa'atupulaia o le vevela o le tau.

I lona tulaga lautele, o tupe fa'aalu a le Mālō e tali atu ai i fa'alavelave fa'alēnatura e tusa ma le 3 pasene o le tamāo'āiga pe sili atu i tausaga o i luma, pe a fua lea i iloiloga ma suesuega mo Samoa ma isi atunu'u laiti o le Pasefika². O nei tupe fa'aalu e mafua mai i le tu'ufa'atasiga o fa'alavelave e masani ona a'afia ai le atunu'u ma nisi fa'alavelave ogaoga e seāseā tupu ae telē lona a'afiaga.

O fa'alavelave matuia mai suiga o le tau ma mala fa'alēnatura e iai ni a'afiaga tetele i le tamāo'āiga ma tupe a le Mālō. O fa'amaumauga o tausaga ua mavae o lo'o atagia ai le o'o atu i le 20 i le 30 pasene o le tamāo'āiga i a'afiaga pe a tutupu ni fa'alavelave ogaoga, ma saga fa'atupulaia ai tupe fa'aalu a le Mālō³.

O suiga o le tau e fa'atupulaia ai pea nei tulaga lamatia e ala i le si'itia o le malosi o afā ma isi tulaga ogaoga o le tau, si'isi'i o le tai, ma suiga lē mautonu i timuga, lea e ono siitia ai tupe fa'aalu a le Mālō i le lumana'i.

Auala mo le Fa'aititia o Tulaga Lamatia a le Tau

Ua fa'amautu e le Mālō le faiga fa'avae mo le puleaina o tupe fa'aleoleo mo fa'alavelave fa'afuase'i e ala atu i le tala o le tupe a le Mālō, fesoasoani mai faigapa'aga, ma inisua mo fa'alavelave tetele.

I totonu o le Tala o le Tupe, ua iai i lalo o aiaiga o le Tulafono mo le Puleaina o Tupe a le Mālō se vaegatupe e tusa ma le 3 pasene mai le aofaiga atoa o tupe fa'aalu mo fa'alavelave fa'afuasei, ma o lea vaegatupe o lo'o avea ma fesoasoani autu mo le tali vave atu i taimi o fa'alavelave. E lagolagoina fo'i lenei tulaga i le toe fetu'unaiga o tupe fa'aalu ma isi vaegatupe fa'apitoa o fesoasoani mo fa'alavelave fa'afuase'i.

² Fa'ataitaga fa'afuainumera World Bank Samoa Climate Risk Country Profile (2021), International Monetary Fund i a'afiaga o fa'alavelave fa'afuasei i atunu'u o le Pasefika.

³ Faiga Fa'avae a Samoa mo le Fa'atupeina o Tulaga Lamatia o Fa'alavelave Fa'afuase'i 2022–2025

Ua iai foi avanoa mo Samoa i fesoasoani tau tupe mo fa'alavelave fa'afuasei mai pa'aga tau atina'e, e aofia ai le Faletupe a le Lalolagi (Cat-DDO) ma fesoasoani tau tupe fa'alavelave fa'afuasei mai le Faletupe o Atina'e o Asia (ADB). I le va o le tausaga 2019 ma le 2020, sa telē se fesoasoani mai nei vaegatupe mo le tali atu i fa'amai o le Misela ma le KOVITI-19, ma mata'ituina ai le tāua o nei vaegatupe e fesoasoani i le Mālō i taimi o fa'alavelave fa'afuasei. Ua fa'amautūina fo'i Tupe Teu mo Mea Fa'aleagaina e tauala mai i le Fesoasoani a Ni'u Sila mo Atina'e e Puipuia mai ai i A'afiaga o le Tau.

O lo'o aofia foi i auala e malu puipuia ai le atunu'u mai tulaga lamatia le fa'amautuina o inisiua mo fa'alavelave tetele, i lalo o le Kamupani Inisiua mo Tulaga Lamatia o Fa'alavelave Matuia i le Pasefika (PCRIC), lea ua tu'u esea ai se vaegatupe e tali vave atu ai i fa'alavelave ogaoga.

I le aga'i i luma, o le a ave le fa'amuamua mo le fa'aleleia ma le atina'eina o fa'amaumuga ma su'esu'ega i tulaga lamatia o fa'alavelave fa'afuase'i, aotelega o a'afiaga o le si'osi'omaga i fuafuaga tau tupe a le Mālō, fa'alauteleina o puipuiga tau inisiua, ma le si'itia o vaegatupe mo galuega e gafataulimaina ma tu'uitiitia ai a'afiaga i suiga o le tau. O nei taumafaiga taua, o le a fesoasoani tele mo Sāmoa e tali atu ai i fa'alavelave fa'afuase'i ma a'afiaga o suiga o le tau.

O Isi Lamatiaga ua Alia'e Mai

E iai foi isi tulaga lamatia o lo'o a'afia ai fo'i le tamā'oāiga, e pei o lamatiaga i auaunaga tāua, aemaise lava le malosi'aga tau eletise ma suau'u, e ono a'afia ai galuega ma auaunaga fa'apisinisi i vaega uma o le atunu'u.

O le lē mautu o faiga fa'avae ma fuafuaga e ono suia ai le fa'atinoga o atina'e, o le fa'atinoga o auaunaga, ma fa'aitiitia ai le tu'uina mai o fesoasoani mo atina'e. E lē gata i lea, o fete'enaiga fa'avaomālō ma tulaga lē mautonu i isi vaega o le lalolagi, e pei o taua o loo fa'aauau i Sasa'e Tutotonu, o lo'o iai a'afiaga mo Samoa e ala i le si'itia o tau o oloa fa'afulale mai ma suau'u, fa'apea le a'afia o le sapaalai o oloa mo le atunu'u.

E iai foi tulaga lamatia tau soifua maloloina lautele, e aofia ai le pepesi o fa'ama'i pipisi e pei o le fiva o ponaivi ma le misela, e ono a'afia ai le fa'aaogaina o vaegatupe a le Mālō. I lona aotelega, o nei tulaga lamatia e mafai ona fa'atelegese ai taumafaiga mo le fa'alauteleina o le tamā'oāiga, ma ono siitia ai lu'itau i luga o le fa'asoaina o tupe a le Mālō.

6. Polokalame tau Atina'e a le Mālō

O le Polokalame lenei a le Mālō o lo'o fa'ailoa mai ai atina'e tetele a le Malō o lo'o fa'atinoina i vaega ma'oti eseese. O lenei Polokalame e unaia ai le fuafua lelei o atina'e a le Malō, ia mautinoa ai o lo'o lelei lona fuafuaina, mata'itūina ma le fa'atinoina. E le gata i lea, o lo'o tu'uina atu i lalo o lea Polokalame tau Atina'e se fa'ava'a manino mo le fa'asoaina lelei ma le tufatufaina atu o vaegatupe i vaega ma'oti uma.

E lua vaega o lo'o vaevaeina ai le Polokalame Tau Atina'e a le Mālō: atina'e o lo'o fa'atinoina ma atina'e o lo'o fuafuaina (e aofia ai poloketi sa fa'amaonia e le Komiti a le Kapeneta mo Atina'e).

Atina'e Fa'aauau ma Atina'e Fuafuaina a le Mālō

Ua amata fa'atinoina nisi o atina'e tetele a le Mālō sa fuafuaina ina ua maua vaegatupe mai Pa'aga mai fafo. O nei Poloketi e aofia ai le Poloketi a le Pasefika e Fa'amalosia ai le nofo Sauniuni e Tali Atu i Suiga o le Tau (PREPARE), fa'apea le Poloketi e Tali atu ai i Suiga o le Tau i vaega i le Gataifale a le Polokalame Tau Atina'e a Mālō Afa'atasi (UNDP-GEF 8) e lagolagoina ai fa'amuumua a le Mālō mo le puipuia ma le fa'amausaliina o le si'osi'omaga. O lo'o aofia ai fo'i le Poloketi mo le Fausiaina o se fale fa'inifo Fou e lagolagoina ai le si'itia o au'aunaga tau soifua maloloina. O nisi ati'ina'e e aofia ai le Poloketi mo le Fa'alauteleina o Fuafuaga Tu'ufa'atasi o Fanua ma le auai o Tagata e Fa'aleleia Puipuiga o Meaola Ese'ese I Samoa, fa'apea le Poloketi Fa'aitulagi a le GCF mo Faiga Fa'ato'aga e Toe Fa'afouina e Fetauti ma Suiga o le Tau, o lo'o galulue fa'atasi ai Samoa, fa'apea Toga ma Vanuatu.

O le tele o galuega tetele tau atina'e ua mae'a ona fa'amautu a latou fa'atupega mai paaga mai fafo, sa fuafuaina e amata fa'atinoina i TF2025/26 ma TF2026/27. O nei galuega e aofia ai le atina'ega o auala ma au'aunaga mo tagata lautele e pei o le Poloketi mo le Fa'amalosia ma le Mautū o Feso'otaiga o Auala (Resilient Road Network Project) ma le Polokalame mo le Mata'itūina o Fa'amatalaga Tau Tupe i Samoa (FIRST), fa'apea ai ma le Falema'i i Savaii, lea o lo'o fuafua e fa'atupulaia ai le gafataulimaina, feso'ota'iga, ma le taulimaina o au'aunaga tāua mo le lautele.

O atina'e tetele o lo'o fa'aauau le fa'atinoina atoa ai ma atina'e o lo'o fuafuaina, o lo'o auiliili atu i le Pusa 6.1.

Pusa 6.1: Aotelega o Poloketi Autū mai Vaega Maoti Ta'itasi

Atina'e Tetele o lo'o Fa'aaauuina	Atina'e Tetele o lo'o Fuafuaina
Fa'ato'aga ma Faigafaiva	
<p>Fesoasoani Maua Mai le Feagaiga Fa'avaomālō a Samoa ma Amerika mo Poloketi Atina'e – Fa'afouina o Masini Fai'aisa ma Pole (FADs) mo le Matagaluega o Fa'ato'aga ma Faigafaiva</p> <p>Polokalame mo le Fa'amalosia o Galuega Tau Penina Mabe ma Atigi Figota ina ia Maua Ai Tupe</p> <p>Poloketi o le Fausia o le Fale e Teu ai Masini Tetele mo Fa'atoaga</p> <p>Polokalame mo le Suiga Gafataulimaina o Faiga Tau Mea'ai ma Fa'atoaga i Samoa, Fiti ma Solomona</p> <p>Poloketi mo le Gaosiga ma le Maketiina o Fa'atoaga ma Faigafaiva i Samoa</p> <p>Polokalame mo le Suiga o Faiga Tau Mea'ai ma Fa'atoaga I Samoa e Fa'aaogāina ai Ala Fa'atekonolosi.</p> <p>Poloketi Fa'aitulagi a le GCF mo Faiga Fa'ato'aga e Toe Fa'afouina e Fetui ma Suiga o le Tau</p> <p>Va'a Su'esu'e Fou mo Faigafaiva</p>	
Tulaga Tau Tupe	
<p>Poloketi mo le Atina'eina o le Vaega Maoti o Tupe</p> <p>Poloketi mo le Fa'amalosia o Feso'ota'iga i Tulaga Fa'afaletupe i le Pasefika</p> <p>Galuega mo le Fausiaina o le Fale Fou a le Faletupe Tūtotonu o Samoa (Ululoloa)</p> <p>Polokalame mo le Mata'itūina o Fa'amatalaga Tau Tupe i Samoa</p>	
A'oa'oga	
<p>Faigapa'aga Fa'avāomālō mo A'oa'oga (GPE)</p>	<p>Polokalame Fesoasoani Fou mo le Vaega Maoti o A'oa'oga</p>

<p>Fausiaina o le Faleaoga Fa'asaienisi a le Iunivesite Aoao o Samoa</p> <p>Fausiaina o le Faleaoga fou a SENESE</p> <p>Fausiaina o le Fale mo Auaunaga mo Fanau Aoga a le Iunivesite Aoao o Samoa</p>	
Soifua Mālōlōina	
<p>Polokalame mo le Fa'amalosia o Auaunaga Fa'alesoifua Mālōlōina mo Taunu'uga Manino</p> <p>Fesoasoani mo Tui Puipui Fou i Totonu o le Pasefika</p> <p>Poloketi o le Fa'aputugatupe mo Fa'ama'i Ogaoga</p> <p>Fausiaina o le Nofoaga Tūtotonu mo A'oa'oga Tausi Soifua</p> <p>Fausiaina o le Fale Fa'i Nifo Fou</p> <p>Fausiaina o Falema'i Fa'aitūmālō ma Fale Apitaga mo Foma'i i Lufilufi ma Safotu</p> <p>Polokalame fa'alauiloa mo le puipuiga o le fa'ama'i pipisi mo le HIV/TB</p> <p>Polokalame mo le tafi esea o le kanesa o le gutu o le toala fanau (Cervical Cancer)</p>	<p>Fuafuaga ma Feso'ota'iga mo le Puipuiga ma le Tali atu i Fa'ama'i Pipisi (Fale Su'esu'e)</p> <p>Polokalame mo le Fa'amausaliina ma le Soifua Manuia o le Vaega Maoti o le Soifua Maloloina (e aofia ai le Falema'i i Savaii)</p>
Tūlāfono ma Fa'amasinoga	
<p>Fausiaina o le Fale Fuimū i A'ana</p> <p>Fausiaina o le Fale Fa'amasino i Savaii</p> <p>Toe Fa'aleleia o le Tauluga o le Falefono i Mulinu'u</p> <p>Fuafuaga mo le Puipuia o le Fa'aaogāina o Fuala'au Fa'asāina i Tamaiti ma Tupulaga Talavou i Samoa.</p> <p>Fausia o le Fale fou a le Ofisa a le Fono Aoao Fai Tulafono</p>	

Fela'ua'iga, Atina'e ma Galuega Tetele	
Poloketi Fesoasoani mo Fela'ua'iga e Tali atu ai i Suiga o le Tau (SCRTP)	Poloketi mo le Fa'amalosia ma le Mautū o Fesootaiga o Auala
Fesoasoani mo Atina'e Itūlagi o Va'alele Sivili ma Auala Tetele (SARIP)	Poloketi mo le Fausiaina o le Fa'atānoa i Alaoa – Vaega 2
Poloketi mo le Atina'eina o le Vaega o Felauaiga i le Laueleele (LTSDP)	
Poloketi mo le Fa'aleleia o le Auala mai Tanugamanono i Siumu	
Poloketi mo le Fausiaina o le Fa'atānoa i Alaoa	
Poloketi mo le Fa'aleleia o Puipuiga ma le Mausali o le Nofoaga e Taula ai Va'a i Apia	
Mālosi'aga	
Poloketi mo Mōli o le Taulaga o Apia e fa'aogaina ai mālosi'aga e maua mai i le Lā	Fa'aopoopo Tane Suāu'u i Savaii
Fesoasoani mo le toe Fa'aleleia ma le Fa'atōtōgaina o Afi Eletise Malolosi e Lua i Ta'alefaga ma Fiaga	
Poloketi mo Mālosi'aga Fa'afouina mo Tagata Lautele (Off-grid)	
Ta'iala mo le Tali Atu i Suiga o le Tau i Vaega tau Femālagā'iga a Atunu'u Lāiti (CAP-IT)	
Poloketi mo le malosiaga fa'afouina maua mai le la - Salelologa	
Polokalame mo le Fa'aleleia o le Vaega Maoti o Mālosi'aga (GridSECURE)	
Poloketi mo le malosiaga fa'afouina maua mai le la - Fiaga	
Fa'amatalaga ma Feso'ota'iga Fa'atekonolosi	
Poloketi mo le Malu Puipuia o Feso'ota'iga Fa'atekonolosi	

Poloketi mo le Fa'aleleia o Ala Fa'atekonolosi	
Polokalame a Saute i Sasa'e o Asia ma le Pasefika e Puipui ai mai Lamatiaga Fa'atekonolosi	
Suāvai & Vai Lafoa'i	
	Poloketi mo le Fa'aleleia o Auaunaga tau Suāvai (e aofia ai le Ofisa Tūtotonu a le Pulega o Suāvai)
Si'osi'omaga	
Polokalame mo le Atina'e o le Tamāo'āiga ma le Soifua Lautele TF2023 - 2 loli tineimū e fa'aogaina ai vailaau fa'apitoa.	Poloketi mo le Mata'itūina o Nofoga Apovai i Vaisigano
Vaega Lua o le Poloketi mo le Saogalēmū ma le Gafatia ona Tali Atu i Suiga o le Tau (BSRP)	Polokalame mo le Fausiaina o le Fale Teu Oloa mo Fesoasoani mo Fa'alavelave Fa'afuase'i (NEOC)
GEF-7 Poloketi mo le puipuia o punaoa o Samoa	
Poloketi e Tali atu ai i Suiga o le Tau i vaega i le Gataifale a le Polokalame Tau Atina'e a Mālō Aufa'atasi (UNDP) – GEF 8.	
Polokalame Tau Tupe mo Suiga o le Tau	
Poloketi a le Pasefika e Fa'amalosia ai le nofo Sauniuni e Tali Atu i Suiga o le Tau (PREPARE)	
Polokalame mo le Atina'e o le Tamāo'āiga ma le Soifua Lautele TF2025 - Meafaigaluega a le Ofisa Va'ai Tau	
Fefa'atauaiga, Pisinisi & Oloa Gaosi	
	Poloketi mo le Fa'afaigofieina o le Taulimaina o Fesoasoani Tau Tupe mo Pisinisi (SAFER) Polokalame Fou mo le Atina'e o Tagata Tafafao Maimoa mai Fafo
Nu'u ma Afioaga	
Polokalame a le Mālō mo Atina'e a Itumālō	Polokalame mo le Fa'atāuaina o Itupā Uma i Atina'e a Nu'u ma Afio'aga

Fa'amatalaga: Matagaluega o Tupe

**Lōmiga a le
Matagaluega o Tupe
Apia, Samoa**